



宋元詩會卷之八十一

皖桐陳焯默公輯選

後學程

仕松泉叅較

黃潛

字晉卿婺州義烏人母童氏夢大星陸懷而生潛潛成童
 能記經書迨長以文名四方中廷祐二年進士授台州寧
 海丞遷兩浙都轉運鹽使改諸稽州判官入為應奉翰林
 文字同知制誥兼翰林國史院編修官轉國子博士出為
 江浙儒學提舉年六十七不俟引年納筵官陞侍講學士
 為翰林直學士知制誥同修國史兼經筵官陞侍講學士
 兼官如故自將仕郎轉至中奉大夫謝封江南還優游田
 里凡七年卒于繡湖之私第年八十一夫謝封江南還優游田
 文獻潛學問淹博約之于至精剖析經史疑難及今制
 度名物多先儒所未發者文辭布置謹嚴援据確切及門
 受業者後多為名儒所著日損齋藁三十餘卷

雜詩 三首

晨起步南園旭日朗以清
 葵花衆草中粲粲敷丹榮
 流光非汝私獨爾心自傾
 覽物有深懷佇立方含情

璞玉與寶劍淪落初未偶君看被煎後各在千年後將身比金石誰當獨長久悠悠百代下相知復何有
春風著萬物欣欣皆自私可憐兒女花榮悴更相持獨有澗底松偃蹇如不知何疑揚執戟草玄鬢若絲

效古 三首

上山見明月下山月相隨月豈知愛我我行自見之故山日已遠故人不可思殷勤謝明月願爾無時虧

落花隨風吹各自東西飛花飛既不息水流復何極同生不同歸能勿異顏色木生則有枝豹死則有皮悠悠歧路間多言亦奚為

飲酒莫盡醉盡醉無餘懽讀書莫弔古弔古多悲酸蕭艾蔽中野白露摧芳蘭鳳饑不得死鴟梟食琅玕去去復去去采芝青

雲端

連雨雜詩 二首

我思仇山人山川莽回互十書九不致木葉頻歲暮頗聞近移居併失夢中路得無挈妻兒倒載入山去
今日曷不樂孤唱無與酬兀坐把書卷展玩不自休借問誰所為其人已千秋山雨政可聽撥書置牀頭

晚晴

洩雲散積雨林水含餘清披衣有奇懷偶從林叟行新晴遠峯麗夕蔭孤花明曠日固所虞聊茲息營營

夜歸

空山四寥寥落日翳榛莽蜿蜒草中徑躡屩度寒雨楠杉窈窕深黑忽忽疑伏虎林窮澗水明稍聽歸人語

曉行湖上

曉行重湖上旭日青林半露霧寒未除鳧鷖靜初散黃緣際餘
景閃倏多遺玩會心乍有得撫已還成嘆夙與丹霞約久茲芳
洲畔獨往願易違離居歲方換沙喧芷芽動春遠川華亂存期
乃寂寞取適豈爛熳小隱倘見招漁樵共昏旦

寄方子踐子癸

窮居悵無遂徂歲聿載陰飛翹隕芳華候蟲厲哀音急颺扇叢
薄泣露栖喬林撫景慨往古端操思繼今折蘭合幽佩鮮纓濯
清潯石林宵窗蒨佳柏鬱蕭森遺世豈余敢匡時非我任覽已
謝高軌即事念所欽纏綿阻道里緬邈眺岡岑委懷竚芳訊貽
好在規箴

東園晚歸

澠忍嬰近務迢遙愛佳辰興言望東菑良苗藹津津鄙人昧時
趨曠途夙所遵幸遠響組累稍欣田圃鄰兀兀登故畦悠悠睇
城闔理穢出新竹撼枯落荆薪夕日逗遠川餘暉散衣巾亶亶
觀物變依依念農人渠渠長者言惻惻非貧賤

贈葉審言別

昔人稱好士乃有黃金臺黃金亦何物願用驕賢才葉君被短
褐志力何雄哉北走叫閭闔紅拍雲崔嵬終然無苟售自保同嬰
孩車服非吾榮黃金真浮埃十年今何官茅屋歌蒼苔豈無琅
玕樹鳳飛故低徊一朝脫身去歛觀雲路開葉君善自愛往矣
無嫌猜迷邦古所誚豈弟貴不回願言吐竒胸落落排風雷尚
念窮賤者衡門守蒿萊

休日集于城南

投來從遠遊，幸世垂明畧。豈不畏簡書，未能置丘壑。崇岡近盤互，春物紛照灼。休沐集諸彦，迂趾惠前諾。稍空林中尊，復詠霞上作。迢迢歷墟壠，靡靡瞰城郭。修楊蔭晴渚，野櫻散朱萼。撫時悼推斥，畢景頽樓托。損益向子明，才能賈生薄。曠言觀歲寒，無將媿場藿。

曉望

城頭鴉鳴曙，起坐理冠幘。開窗寫遙望，烟霧竟川澤。喧喧市聲動，漠漠井氣白。如何山中人，歲暮塵埃客。

龍灣夜泊

乘潮出遠浦，日暮北風平。高亭不可望，遙遙笳鼓聲。月明寒雁下，江空夕烟生。非關川途念，沈憂坐自楹。

秋夜觀書作

閒居感時駛，獨學難為功。眷言思古人，幽懷極冲冲。秉燭起中夜，攬卷來清風。恭惟千載心，皎潔無窮泯。俗自升降道，妙非汙隆。後來亦奚為，黑白紛相攻。華芳乍可悅，軌轍何由通。吾將離言說，庶以觀其同。所憂名為累，不懼蓄不豐。開軒視明河，白月當天中。怡然掩書坐，夜氣方鴻蒙。

登錢山望菰城慨然而賦

吳興水為州，諸山若浮萍。况此一培塿，瑣屑世未明。所欣漁樵居，乃與緇錫并。種竹有萬竿，結茅無十楹。老僧解人意，蹤履能相迎。芳草被行逕，朱藤暗巖扃。蕭條空堦暮，日照葦苔青。猶嫌所歷卑，未極遊眺情。聳身白雲上，始見春申城。想當高會時，樓觀飛青冥。竭海薦壘勺，窮山羞鼎鉶。安知千載後，寂寞無人行。煌煌冠蓋區，壤壤狐兔瑩。歸來朱門客，聽此松風聲。

靈源

偶為山中遊遠過雲關宿蒼燈閃初夜雨氣蒸深屋時聞清梵
音窈眇松林曲

草堂

迢迢上方界水木翳清景山深不可留日暮衣裳冷淒其懷昔
遊百歲嗟俄頃

鹿田

披榛度空荒突兀崖寺古幽花雜紅白老屋亞雲雨前瞻石徑
微咫尺不得取

寶峯

下山復上山躡屨行沮洳宿雲冒長嶺旭日暎高樹山僧亦何
為獨向城闔去

山橋

行行拍木末路逐飛雲上時登巨石憇共聽春泉響尋源竟莫
窮即事成幽賞

寶石

暮投招提境明發首歸路舉頭望山椒遙認經行處重重巖壑
間蒼然正烟霧

赤城

雞鳴秣吾馬晚飯山中行何以慰旅懷赤城有嘉名灘長石齒
齒樹細風冷冷時見巖壁間粲若丹砂明溫泉發其陽撓訶勤
百靈前峯指金閣真境標殊庭白道人跡稀青崖雲氣生信美
無少留緬焉起深情

擔子窪

自從始出關數日走崖谷迢迢度偏嶺險盡得平陸坡陀皆土
山高下紛起伏連天暗豐草不復見林木行人烟際來牛羊雨
中牧颯然衣裳單咫尺異寒燠竝立方有懷相逢仍問俗畏途
宜疾驅更傍灣河宿

遊寶陀寺

十年望滄海臨流不能度蒼茫歲華晚邂逅舟楫具拂衣乘天
風挂席隨烟霧旦從蛟門發暝指翁洲住前瞻積水深島嶼青
無數梅岑持孤絕遙見日出處寄身人境外矯首禪關路粲粲
金砂石離離白花樹高期愜幽抱歷覽增遐慕嗒然坐忘言目
送寒潮去

雪竇紀遊三首

移舟泊泉口我行已信宿天寒洲渚生峰迴川途曲煙霞罩蘭

若別野狂林麓

高人欣相迎山門帶流水風生珠樹間月窺鏡池裏觸景遂成
迷應接殊未已

興移初出山繫纜長汀樹夜來雪已深溪風愈難度猶疑鍾磬
音遙遙白雲處

同王章甫待制校文上京八月十五夜宿龍門驛

涼風墮黃榆萬馬皆南馳而我方北首度關及鳴雞驛路更幽
阻僕夫憐不怡徐驅待明發決漭窮烟霏貂裘者誰子怪我縫
掖衣為言霜露多遑遑獨安之我非不自愛簡書今有期憶昔
州縣間折腰向小兒荏苒二十年白首初登基同袍如燕鴻去
住恒相違悠然慨平生與世何參差瞑投龍門驛高館臨迴溪
青崖拱白月水木舍餘輝秋色故蕭灑我行殊未遲相從况魁

彦炯若珊瑚枝哀暮奚足云一觴聊共持

送鄭以道

鄭君不羈客湯仕常優游故人滿天上獨左嶺南州嶺南風土
異去天將萬里驛騎如流星衆手挽不住到官多定暇坐對梅
花時溪石秀可硯泚筆成新詩詩成付迴雁動是春冬隔用儒
行召君努力崇明德

歲宴

歲宴木葉落遙見東城隅雉堞鬱宮堯列屋何蕭疎悠悠西南
望赫赫金張廬退朝集冠蓋鳴珂沸通衢合還多後遊並轡飛
華裾顧盼有光彩行者為踟躕俯慙筋力微無從效馳驅日斜
坐官舍還拂案上書緬彼川路長感此年運徂遲迴不能去嘆
息將焉如

送王鍊師歸四明

飄飄采真侶乃在四明山霞居朝帝所瓊館留人間忽聞雙鳧
鳥却向東南還望之若流星邈然不可攀海月照堦祀天風飛
佩環我何苦羈旅冰雪生朱顏

陽山昱上人訪予吳門寓舍求為湘竹詩予辭以未見竹
上人不遠六十里自山中昇其竹而來好事有如此者
欣然為賦長句

道人來自陽山麓手攜舊種千竿竹小栽方斛不盈尺中有瀟
湘江一曲未信天工能爾奇不知地脈從誰縮晴窗脩脩散烟
霧眼底森然立犀玉豈期我乃累此君蒙犯風埃走塵俗故山
方遠重愁絕新句未成慙迫促黃岡之產大中椽政用材美剗
其腹願言保此終天年歲暮山中伴幽獨

題李氏白石山房

名山秀出鄱江曲，上有立石如立玉。尚書履聲忽已遠，隱者心
居在盤谷。花開鳥鳴春晝永，白雲重重養喬木。夫君亦復稱其
家有書，能藏且能讀。露鈔雪纂久愈富，何啻鄴侯三萬軸。山靈
翁霍謹，呵護夜半虹光發。深屋引泉天，井助芳潤大。滕吳儂飲
山淥，我欲從之不可到。細字長書俄滿幅，毫分縷拆極根柢。大
義森然見條目，鄙人媿莫知所對。叩請安得畱，更僕頗聞石洞
闕遺音。龍門餘韻煩君續，臨風傾詠寄綢繆。哀朽終期挹膏馥，
題張清夫心遠堂

吾聞古來賢達士，不擇山林與朝市。百年塵甕兩醢雞，鵬鷗逍
遙俱可爾。夫君平生瀟洒意，俯睨軒裳猶敝屣。翩然一舸鱸魚
鄉，歸來不待秋風起。忘言兀兀坐終日，天地古今齊一指。但見
山高湖水深，青螺蕩漾銀杯裏。柴桑之人去我久，風味何妨畧
相似。神交冥漠海雲長，目送歸鴻眇千里。

題醉歌圖

翰林主人天上来，布帆不為鱸魚開。江湖渺渺天一色，朝光暮
靄相徘徊。昔賢心賞餘，膝處祇有水竹無亭臺。碑材久已沒荆
棘，履齒不復留莓苔。後來視今猶視昔，今我不樂胡為哉。太官
馬，漚遠莫致鄰翁綠。蟻浮新醕欣然一飲便，終夕鼻端氣息如
雲雷。是間別有一天地，不知何處為蓬萊。迴觀方內海，一粟醢
雞塵甕何喧。虺黃冠祕監太狂態，騎鯨供奉非仙才。揮毫政要
真學士，鋒車流水行相催。瑤池曲宴多雨露，歸歟酌彼黃金壘。

桃巖

立石平如削，飛雲近可梯。莫窮千古勝，但惜衆山低。靈草經年

長珍禽隔樹啼人言舊朝士感事有留題

雨

兀坐九十日雨聲殊未收花時翻益睡茅屋不禁愁生事吾何
望春寒晚故留江波青滿眼萬里付雙鷗

寄友人

憐君山水意局促守柴扉故里悲秋草涼風滿褐衣滄州斜日
晚自社幾人歸寂寞分遙念天寒木葉稀

秋懷二首

稍稍秋何落娟娟宿露微天清江不息野迴樹相依回首狂歌
數經心昨夢非流螢無思極巧入絳帷飛
風雨仍搖落江山且滯留懶從生事拙閒惜壯心休弱蔓縈歌
石空槎卧泐流興懷到微物世故劇悠悠

憑軒

信有儒冠誤憑軒意欲迷山深風雨惡天濶羽毛低宅日開炎
瘴連城送鼓鞳荷戈吾媿爾未敢嘆塗泥

風雨

風雨忽如此閉門方晝眠故應為計拙可復要人憐燈火羌村
路桑麻杜曲田悠悠今視昔把卷一茫然

山中懷友

卓犖恒山秀相逢幾抱琴五年風雨別四海兄弟心雪外梅花
遠山中桂樹深定知嵇叔夜高興薄雲林

聞子踐卧疾

吾子乃多病何人共解顏水深和藥白春色閉松闕積雨連三
月懷人劇萬山同遊况零落浩蕩可追攀

八詠樓

懷古荒碑在登樓晚望賒秋雲垂野薄江勢抱城斜天地悲遊
子冰霜感歲華紅塵吹短褐歸興及清笳

送陳養直歸四明

迢迢浙河水同渡不同歸執袂方成別驚帆已若飛野橋行處
酒風雪去時衣瞻望嗟何極天長鴻雁微

送馬伯忱教授

卓犖青雲彥飛騰及妙年書成天祿閣座有廣文羶九陌車塵
外千軍筆陣前白頭慚倚席臨別思茫然

題石門淨勝寺

十頃蒼波上山迴地勢偏屋栖黃面老碑挂赤烏年葉葉風荷
顫層層雪瀑懸青燈夜寥閱獨照一僧禪

感舊

華屋山丘不可期峴峰依舊綠參差空懷下榻延徐孺無復乘
舟訪戴逵日暮更聞隣舍笛歲寒惟有角弓詩舊遊寂莫成今
古冷石秋花處處悲

早起

漠漠晴簷散薄雲獨搔華髮立清晨春風入樹無行迹晚月窺
簷欲近人旋覺新吟隨夢寐不知清霧濕衣巾何人正踏長安
陌想見看花拂面塵

獨立

數盡飛花一愴然壯心迢遞夕雲邊十年人事空流水二月風
光已杜鵑過眼青春寧復得污人黃土絕堪憐故園尚有平生
約可使蒼苔到石田

寄友人

繫舸一別雲水鄉暮川葭莢空蒼蒼漳濱卧病宅年憶渭北題
詩春日長燕菁作花已爛熳楊柳飛絮若顛狂聞道茯苓久堪
刷遲子青鞋經澗岡

夏日漫書

枕上初殘柏子香鳥聲簾外已斜陽碧山過雨晴逾好綠樹無
風晚自涼芳歲背人成荏苒好詩和夢落蒼茫羊求何不來三
徑門掩殘書滿石床

逢葉伯葵

水烟沙雨送歸航楓葉蘆花已十霜瑤曲天風春夢遠墨池秋
草過遊荒碧峯又是新迴雁白石依然舊化羊一笑相逢却成
別暮雲千里思茫茫

答友人

芝掌峯前一杯酒別離歲晚遞相望野梅如雪遙入眼曉雁連
天寒叫霜閉門窮巷燈火冷回首蒼山雲樹長幾時抱被却同
宿媿爾詩童遠送將

過烏傷墓

丹青像設始何年翁仲遺墟自古傳時有北人來下馬不知秦
樹幾啼鶻牧童解指看碑路野衲分耕祭墓田回首長安西日
外茂林松柏正蒼烟

金陵天津橋

五雲零落渺天涯陳迹蒼茫日自斜画角已吹邊塞曲紅蘭新
長內園花可憐遺老埋黃壤曾倚春風望翠華好在北山猿與
鶴依然同住舊烟霞

送人歸豫章

已覺栖遲懶曳裾可能為我強躊躇
一帆秋色紅塵外千里江關白雁初
建業水清誰共飲潯陽潮斷定無書
黃金未盡朱顏在莫種桃花學隱居

柰山

春雲牢落雁無聲沙岸參差石有稜
雙屐漫窮芳草逕一龕長愧白頭僧
晴濤閃閃翻孤日山木昏昏卷翠藤
後夜清風滿遙念夢遊空指上方燈

遣興

青雲如夢慨平生白髮驚春忽數莖
漸覺交遊隨日別強知顏色逐人行
百年松檟誰能去五畝煙霞故可耕
妄念掃除渾欲盡少游何得尚相輕

客樓雨中

江城飄泊動經年盡日高樓閱過舡
睡起小窗初聽雨岸傍垂柳已生烟
坐拋歲月今如此每望雲山欲泫然
尚喜遊從得諸彦時將樂事寄新篇

次韻荅蔣春卿

不謂紅塵拂面時軒然談笑一舒眉
晴風石鼎浮花乳夜雨春盤冷碧絲
握手遽成三宿戀論心那覺十年遲
酒船漁網歸無計未必山前白鷺知

花信

已覺尋芳去較遲千林紅葉想紛披
幾經夜雨能無恙試問春風竟不知
斜日遊蜂應有夢野亭立馬已多時
殷勤却是江南客曾擘冰霜寄一枝

送貢教授致仕歸里

宦情鄉思兩依依，獨裏寒羶去若飛。
歲晏忍為千里別，林間驚見一人歸。
官河遠樹迎山榭，夕日暄風颺綵衣。
漫使臨歧生悵望，可容泉石借餘輝。

陳山晚泊

一柱孤撐杳靄間，人言此是客星山。
流風百世今誰嗣，應詔諸生故未還。
荒塚草深迂石路，高齋月滿闕松關。
窮年漫迹滄江上，及此維舟獨厚顏。

上巖寺訪一公

晚色微茫尚帶星，修蹊輦确斷人行。
獨支瘦竹身猶健，高入重雲地忽平。
落月正當山缺處，細泉頻作雨來聲。
上方燈火青林曲，隱隱疎鍾一再鳴。

題東柯谷圖

長松密竹翠交加，洞府新開碧海涯。
石上仙人留足跡，春深澗水出桃花。
流傳圖畫來千里，生長兒孫只一家。
目斷飛鴻那可到，舊遊空指赤城霞。

題雪竇妙高樓

偶為清遊宿梵宮，凌晨試上最高峯。
水翻雪色寒猶落，雲掩丹光遠更重。
舊有一僧能跨虎，近聞三洞盡藏龍。
下方車馬應難到，烟際唯聽日暮鍾。

送趙繼清潮州推官

相國南遷有故居，理官高選出新除。
承恩特與金魚袋，訪舊爭迎駟馬車。
春入園扉庭草暗，天低驛路嶺梅疎。
鳳池不隔同年面，歸及梅花雁影初。

送孔御史歸曲阜

清流共喜聚羣賢，新渥時聞下九天。
東觀紬書何日了，中丞遺笏要人傳。
過家莫久依林廟，封事先須徹御筵。
千載斯文寄來哲，臨分握手重懸縣。

送龍南歐陽縣尹

絲綸閣下半同袍，獨上南船去莫招。
出宰出嫌官俸薄，過家那覺驛程遙。
長溪白石晴雷轉，深洞黃茅毒霧消。
想見行春有佳句，坐令遐俗變風謠。

送尉彥誠道州經歷

一別垂垂四十年，朔風吹鬢兩蒼然。
寒壇久坐歸何日，上幕初登望若仙。
莫使催科書下考，盛談名理繼前賢。
春生馬首逢迴雁，併寫相思入近篇。

送陳季和

高齋燈火正蕭條，忽遡天風上泐寥。
共喜彈冠如貢禹，豈期投筆學班超。
時清桴鼓元無用，歲晚弓旌倘見招。
雪後江南春水活，重來休厭驛程遙。

次韻蘇侍郎平村暮歸

中臺多暇獨儀曹，退食歸來路不遙。
扶老未須蒼玉杖，行春聊過赤闌橋。
揮毫風雨傾三峡，聽履星辰接九霄。
媿我白頭方倚席，敢將巴曲和仙韶。

題莫氏山莊圖

旋移小隱傍南峯，遠有咸平處士風。
山態近人猶偃蹇，湖光無雨亦空濛。
行春杖屨時時到，臨水軒窗面面通。
別作新亭供戲劇，青帘搖曳杏花中。

鳳凰山

滄海桑田事渺茫行看遺老色荒涼為言故國遊麋鹿漫指空
山號鳳皇春盡綠莎迷輦道雨多蒼蘚上宮墻遙知江水東流
畔更有平蕪與夕陽

九日登石頭城

背郭囂塵遠高秋川岳清幽懷初曠蕩陳迹故縱橫遙望龍盤
舊長憐蟻穴爭紺園隨處闢粉蝶向來傾撥草窺晉井看碑驗
故堊門開蒼耳路亭愛翠微名遠樹淮南出滄江鳥外明人烟
川浩渺風物歲崢嶸吹帽仍佳節傳觴但老兵登高未成賦覽
古獨含情政復哀王粲何堪厭禰衡救廬滄海曲目斷白雲生

積觀賦絕句三首

芙蓉峰下南潮寺水秀山明兩絕奇更向水窮山盡處一庵高

貯碧雲師

山中今是太平民尚與人間隔幾塵流水桃花三百曲莫教重
誤武陵人

坐愛春泉響翠微玉花吹濕薜蘿衣何人為擘冰壺破共看青
天白練飛

水僊圖

脩脩翠羽暎鳴璫誰遣乘風過我傍歲晏高堂空四壁一簾煙
雨夢瀟湘

山水圖

老樹無陰石有稜亂山高下白雲層夢中猶識江南路惟恨舟
人喚不應

柳貫

字道傳浦陽人器局凝定嘗受性理之學于金履祥期以
寔踐躬行自幼至老好學不倦凡六經百氏星曆術數及
釋老異教之書靡所不通作文沉鬱春容涵肆演迤人多
傳誦之始用蔡舉為江山縣儒學教諭仕至翰林待制所
著文集四十卷字系近思錄廣輯金石竹帛遺文共
十五卷與黃潛齋名曰黃柳又合虞揭稱之曰四傑

度居庸關

居庸朔方塞始入兩崖張行行轉石角細路縈澗岡層壓倒天
影半林漏晨光崎嶇里四十所歷萬羊腸千轅絡前後兩軌通
中央谷開稍夷曠狂險獲康莊豈惟遂生聚列廛參雁行激流
或礮磴架戶亦僧坊我生山水窟愛此不能忘是日新雨已浮
嵐亂沾裳水聲與石聞風飄韻清商踟躕不知高浮雲翼起驤
考牒曩有聞經途今始詳緬惟古塞北八州猶漢疆控扼識形
勢會同知樂康屬茲景運開六服連綏荒兩京備巡幸離宮爰
相望守岳將孝制如祠匪求祥式瞻虎氣騰足徵太業昌遠想

王會圖勿廢祈招章

李老谷聞子規

老杜聞子規近在東西川猶云感時物淚寫幽悵今我行塞
徼子規相後先時夏雲景晦鳥呼搖空烟響入樹窅窅啼垂血
濺濺想知岐路難不恤軀命全千聲復萬聲喚我歸言遠苟非
木石心豈免腸內煎江南叢薄間有花名杜鵑開時是鳥至相
戒治春田不歸如江水負此今五年風土孰云異物情要有遷
寄巢勿浪出祝爾還自憐嚴程趣行邁且復揮吾鞭

和袁集賢上都雜詩八首

雨水漸衣黑雲沙際日黃烟開才黯澹日出已蒼涼徇俗高簷
帽清心小篆香端居萬里念蕙草惜微芳

昔建寰中業初開徼外山睢城平兀兀沙木淨灣灣朱夏宸游

正清秋武衛閒叨陪文學乘空愧鬢毛斑
徭俗隨方異溝途隔舍迷醺人惟馬漣勸客有駝蹄殿角孤花
靚城隅雜樹低天涯中夜舞如意昔曾攜

天潢猶白白雲漠故青青積潦推車軸高風墮箭翎宮塗丹楮
堊殿戶紫金釘女樂蓬萊祕哀簫動杳冥

幄殿層雲障轅門積雪峰竒鷹皆戴角御馬盡飛龍瀚水將臨
幸云亭望陟封青丘大羽獵有事待玄冬

曹務唯章句官規自法程齋扉侵雨潤宴兒得風清歷歷三刀
夢行行萬里城明年遂耕隱深仗酒為名

公子青絲轡王孫綠隲車宴酣風小定舞破日西斜手擲宮中
果神行海上查築鄙無自厚儉德不期奢

水草方方善弓弧戶戶便合圍連婦女從戍到曾玄雪毳千家
帳冰瓢百眼泉浚稽山更北長望斗光懸

觀夫刺幹耳朶御宴回

羲幙承空枉繡楣綵繩亘地掣文霓辰旂忽動祠光下甲帳徐
開殿影齊芍藥名花園簇坐蒲萄法酒拆封泥御前賜脯千官
醉恩覺中天雨露低

元日宴大安閣

金殿開扉日映樞翠帷香霧動流蘇玉壺修幹雙龍捧寶座重
衲瑞鵲敷春色入杯初漱灑雪光浮檻尚模糊天元啓運三陽
正需宴欣承湛露濡

還次桓州

塞雨初乾草木霜穹口秋色滿沙場割鮮俎上薦黃鼠獵獲腰
間縣白狼別部烏桓知幾族屯山穡落是何方長雲西北天如

水想見旌旗瀚海光

題齊驛

牧馬新來秣地椒
衛頭桐酒玉傾瓢
羲和白日經天近
勅勅陰山度
幙遙雨過忽然思
御袂風清聊復快
凌敲他年續作灤陽
夢萬里排雲迥寂寥

送臨川謝有源赴閩醫提領

一路青山荔子叢
華山西望粵臺東
家風蘭玉庭堦上
官事茯苓藥籠中
鷓首去乘潮浪白
蠅房催薦酒醅紅
福州自是炎蒸少
臘雪飛花落半空

張養浩

字希孟濟南人年方十歲讀書不輟父母止之則默頌竊讀稍長肆力孟勤山東按察使荐為學正遊京師獻書平章不忽木大奇之辟為令史送授棠邑縣尹多惠政召授東宮文學拜監察御史以言事忤桑哥變姓名遁去尚書

省罷召起右司都事遷翰林直學士祕書少監歷禮部侍郎尚書至泰議中書省事諫止英宗張瑄內庭尤人所不敢言者丁父憂屢召勿起天曆二年闕中大旱特授陝西行省中丞聞命登車經華山禱雨痛哭不能起忽大雨三日到官四月以賑荒積勞得疾卒年六十秦人哀之如失父母追封濱國公謚文忠

林日郊外

久厭官居苦幽尋到澗阿
鶴知松歲月鷗狎海風波
野迥塔孤立嶺高雲半過
菟裘良未暇聊此慰蹉跎

山行

一懶將成性春遊尚爾勤
花歌知雨力水皺見風文
碧落一明月青山半白雲
却愁從此去塵冗又紛紛

齋居春暮

漂泊東君底處家
落紅風捲赤城霞
半窗春夢子規月
滿院客愁楊柳花
世事悠悠惟欠酒
棠陰密密欲藏鴉
韶光九十須臾

頃不是劉郎鬢易華

趵突泉

繞欄驚視重徘徊流水緣何自起堆三尺不消平地雪四時常
吼半空雷深通滄海愁波盡怒撼秋風恐岸摧每過塵懷為瀟
灑斜陽欲沒未能回

王執謙

字六皆濟南人與張養浩李京輩稱詩家四傑

孟光舉案圖

白髮梁鴻與世乖賴逢光也配其才五噫歌罷愁無奈不覺春
從案上來

李京

字景山河間人與王執謙張養浩田衍唱和士林羨之稱為神人

留別都城諸公

蒼龍雙闕鬱岿堯曾侍鶴鸞赴早朝往事已隨塵滾滾虛名羸
得鬢蕭蕭長林豐草空相憶瘴雨蠻煙苦見招借問都門門外
柳為誰留著最長條

宋元詩會卷之八十二

皖洞陳

焯默公輯選

後學程

仕松皋叅較

朱德潤

字澤民睢水人工詩畫延祐間用趙孟頫荐得入仕籍官
勿稱志遂挂冠歸年七十二卒有存復齋稿虞集為改曰
澤民文章典雅而理致甚明獨惜以繪事掩其所長然識
者不厭其多能也二子復吉中吉于明初官典籍給事家
藏有睢陽五老圖乃其九世祖兵部
郎中朱會與杜祁公輩稱五老者也

送馮海粟待制入京

人生百年間會面能幾何昔年別君去冰雪滿長河今歲復送
君堤柳青婆娑春塘漾輕舸曉日生微波柔櫓數聲動遊子行
不歌夢隨征帆杳思逐春流多落花粘空樽錯落金巨羅聚散
未足道且使朱顏配

次韻貢仲章學士題僊山圖

浮生三十餘失志墮塵鞅南吳與北燕所歷如翻掌山中猿鶴
期別路成榛莽瑤草霜未凋靈芝日應長久聞東王公御氣九
霄上縹緲星霞裾虛室絕華想欲從道無因寫此寄清曠

泛太湖訪友

扁舟去何所渺渺太湖陰依依桑梓村拍拍枕寒淥飛雲入遐
睇鳥道橫青岑篙師戒勿渡柔櫓力不任我身雖骨立未肯折
壯心放船當中流浩歌激清音何當被宮錦再作峨嵋吟

和柯敬仲博士幽蘭

陽和徧巖谷猗蘭發初芳幽姿不自媚隨風忽飄香寧辭雨露
恩感此歲月長願隨郎官握得上中書堂不慚山澤姿高貴比
金張靈芝在宣室豈獨懷沅湘

題唐明皇幸驪山圖

驪山西北高萬乘東南至霓旌蒼翠中閣道丹青內憶昔上林
遊春寒多並轡羯鼓召花奴黃門催力士霓裳曲未終驚動漁
陽騎

題張叅政所藏太真上馬圖

開元朝野時清明姚宋廟謀多輔成紫宸前殿焚錦綉花萼樓
高延弟兄那知暇豫生淫樂慢舞霓裳羽衣薄龍漿流禍入宮
墻野鹿銜花汗簾箔春盡並轡曲江行回顧阿環嬌態生繡衣
珠珣如花旋秦魏椒房恩寵鮮宮中昇出錦棚兒兵滿漁陽人
未知一朝犯順入宮闕咸陽烟塵迷日月翠華雜沓驚塵蒙劍
閣西迴渭水中王臣下微同列國從此藩鎮爭豪雄人生富貴
真迷途傾城褒似無時無漫道玄宗不知政試問當年無逸圖
仙山圖為趙彥昭賦

崆峒之山戴斗極，疊嶂橫陳開碣石。翠崖丹磴互低昂，複閣層
欄轉空碧。碧桃花落笙聲幽，雙成吹玉彩鳳謳。跨鳳騰雲去無
迹，清猿啼斷層崖秋。霞光隱映山長在，寰海茫茫隔烟靄。舊遊
仙侶謾招呼，誤落人間幾千載。吳爭越戰何可數，束書欲問桃
源路。回圖空見避秦人，隔水漁郎不相顧。

送李益齋之臨洮

綠陰滿京畿，送子之臨洮。臨洮何茫茫，流出長城濠。長城岸阻
玉關阨，于闐蔥嶺河涼高。崧氏兒郎走帶箭，哀笳風起斗擊刁。
良人西征二三載，寶轡車馬聲塵遙。如今不用酒泉郡，豈必坐
使朱顏凋。蒲萄苜蓿味雖美，異方土俗殊鄉里。避地猶當似管
寧，受封應得論箕子。願從列騎擁旌旄，歸去燕處華堂裏。却話
人情翻掌難，曾浥征袍淚如洗。

讀隋書

廣通渠邊渭水流，長安猛將縣兜牟。陳郎酣睡未知曉，采石夜
渡江聲秋。韓擒不待賀若報，呼得蠻丁作鄉導。銅鈺一聲歌管
闌，望仙閣下旌旗繞。兵家兒女髮照人，金井梧桐三陸身。血痕
已汙青溪草，遺恨空憐高使君。當時只道明良會，三十年前轉
頭事。江都未放錦帆回，晉陽城內驚塵起。

德政碑

德政碑路傍立石，高巍巍傳是邑中賢。令尹三年秩滿人頌之，
刻石道傍紀德政。傍人見者或歎歎，借問歐歎者誰子。云是西
家鐫兒石，去年官差鐫此石。官司督工限十日，上戶斂錢支半
工。每年準備遭驅責，城中書生無學俸。但得錢多好作頌，豈知
令尹賢不賢。且喜豪民來饋送，德政碑磨不去。勸君改作橋梁

柱乞與行人濟不通免令觀者嗟何補

水深圍

水深圍田疇蕩蕩如湖陂圍低水深岸不立雖有木石將何施
里正申官官不允徵糧每歲歸倉廩稻梁無種長菰蒲民產賠
償官始准今春水滂忽無津十分災作五分申問渠何故作此
弊府州覆熟成三分吏胥入鄉日旁午二分徵作賠官賦倘逢
人訴熟為荒破盡家資猶不補因此年年怕官惱水滄水深俱
不報東南民力日漸窮不願為農願為盜人生盜賊豈願為天
生衣食官迫之水滄償米或時稔賠糧無奈水深圍

題石崇錦障圍

洛陽金谷園中花雕玉為欄繡作遮琉璃器多出珍饌瑪瑙街
長行鈿車椒房塗香貯歌舞曳珠珥翠籠輕紗珊瑚扶疎三四
尺王羊貴戚爭豪華那知花淫風雨妬過來山澤生龍蛇嬋娟
墜樓寶玳碎月明夜半啼驚鴉

除日

日行三百六十五今夕方除歲云暮人生憂樂百年期又見日
除當此度養和適情宜及時古今中壽七十稀自非金石不可
永刀圭誰保長生期彭宣老聃亦何之不須更作送窮詩客聞
此辭莫傷咨樽前且醉黃金卮

觀內廐洗馬

黃雲洒雨沙場秋灘高水平凝不流曉霜襲透蒼駝裘圍人浴
馬津水頭綠驃連錢雙驂騮日光射波脂膩浮青絲脫鞵黃金
鈎輕爬短刷濕未收三花剪髮平且柔籟雲駮氣將無傳束芻
斗豆豈馬羞茫茫草生林丘霜蹄胡為踏長揪振鬣一躍期

天遊

十四日泊安陵

廣川六百里驛道上皇州紫極星辰近黃河日夜流村明深夕
火灘泊過年舟明發乘車去逢人說浪遊

和龔子敬先生遊春韻

烹茶熱旨酒坐石得嘉賓好鳥時鳴晝幽花不放春山遺今古
事詩著往來人楚地龔夫子諸生數問津

贈黃竹村老儒畫梅竹

烟水盱江渺丹陽度雪寒久憐梅淡泊先問竹平安夜月清詩
思春風翠筆端北來知己少歲暮欲彈冠

送張景亮知州致仕

角中歸里舊儒冠宦轍馳驅涉萬端楊柳碧溪春晝永梅花白

雪夜窗寒朝廷有道容辭老田野無羈得盡歡幸喜玉堂遺業
在安居留待後人看

送劉德璋提點還宜興通真觀

通真仙觀欲凌虛北谷先生晝隱居玄鶴不歸華表柱白雲長
護紫泥書桐棺已化人徒仰鐵鎖高懸孰可舒便欲束書陽羨
路青牛春晚又迴車

遊梁溪暮歸

古樹呼風作雅音石梁溪渡景沈沈山橫宿靄曉晴薄人倚曲
欄秋思深潁水空遺黃鵠恨茂陵多感白頭吟栖遲莫厭歸來
晚明月驚烏繞故林

和王繼學治書

駒隙流光一鏡懸虛明直與綺窗連鑿開混沌知身外別有山

川在眼前蓬島秋深稽漢使桃源春暖避秦僊敬亭山色看如
画熊枕圍屏穩畫眠

送趙季文任湖州錄判

萬里奉親官署近萱堂春早燕呢喃桃花紅似郎君馬楊柳青
子從事衫苔水漁舟烟浩渺何山書舍石巉巖莫思杜牧尋芳
晚剩有新詩寄一緘

題豫章山房

豫章林老色參天擁護山僧丈室前豈為法身同草木要驅塵
慮出風烟茶甌香篆晨齋後竹几蒲團夜榻邊獨有瀏陽歐學
士題詩遙問不空禪

和虞先生題當山張真人別業

嵐雨初晴綠樹新松蘿夾屋淨無塵洞花幽鳥時時別野鶴孤

雲日日親紅霧半窗丹火候青山萬古百年人從君更覓方平
宅玄武門前作近隣

紅葉題詩

金殿風微拾陸紅題詩聊寄玉溝東芳情有意隨流水細字無
心學斷鴻別館乍涼霜透幕長門深夜月移宮才情偶爾成佳
配不道周南有國風

出郭

步出東皋隔市塵青山高下欲迎人汀花有意開何晚野草無
名亦自春

陶淵明歸去來圖

甲子題年玩物華門前栗里自桑麻從他晉史書劉宋別有黃
花處士家

蘇天爵

字伯修真定人父志道歷官行省稱能吏天爵以國子生試名第一釋褐授大都路薊州判官調功憲使司照磨改御史院典籍陞應奉翰林文字進修撰擢江南行臺監察御史斷疑獄如神入為監察御史改奎章閣授經郎復拜御史在官四月知無不言自是內遷外擢皆顯官中忤時相罷歸久之上察其誣復起然知浙省大都路都總管兩浙都轉運使仍以江浙為學博而知要長于記載著國朝名臣事畧十五卷文類七十卷詩文稿三十七卷

送同知任君玉西歸

薇花曾見照青春今日都門又送君入蜀使迎新太守渡瀘人識舊將軍琴聲彈落巴山月馬首披開劍閣雲見說西州民事簡客來多誦長卿文

黃清老

字子肅邵武人泰定中進士官翰林供奉

福山庵

晨光海上來雲氣升萬壑雞鳴落花中殘鍾度城廓菴僧帶星出我自飯蒸藿寧知天地心但有山水落書燈夜搖動霧氣侵几閣開扉得新月欲掩見栖雀烟霞暫相違筆硯始有托但留松間雪付與雙白鶴庭柯換故葉林竹脫新籜何目芝草開拏舟赴前約

送王君冕歸陝西四首

麥熟天乍熱開軒理瑤琴茲辰有客至一徑蒼苔深日出樹影倒曠坐分綠陰清淡落餘花松風雜幽禽君子希道德永言結同心

狂風捲茅屋遙見溪山上人生有遇合離別何足歎黃鵠將西歸臨風振羽翰我有雙明珠置之青雲端朝朝復暮暮照君子

里還

少年處山谷壯歲遊京師性本猿鶴羣焉能牛馬馳曩有採薪
夏挂冠願為醫近得聖賢對讀書甘如飴習慣已成癖豈無君
子知

十載宦京輦田園就荒蕪茲焉得歸耕休馬南山隅舉酒樹色
動鶯燕鳴相呼流水既悅君白雲亦邀余錦囊可贈還愧非明
月知

送李子威代祀嵩衡淮海二首

羣生望甘澤五岳雲氣通天香落巖谷瑞靄春溟濛海潮天際
來金碧森萬峰劃落紫翠堆亭亭玉芙蓉古廟絲竹存迎神奏
黃鍾空山遞餘響落花舞青童

南海祝融宅汪洋載神州巨浸含萬有元氣何空浮蒼蒼島嶼
間彷彿通十洲神魚在深淵甘露何以求朝折若木枝夕飲桐
栢流萬里竟探討豈徒司馬遊

古樂府

君好錦綉段妾好明月珠錦繡可為服服美令人愚不如珠夜
光可以照讀書

君好春芍藥妾好夏池蓮芍藥多艷色春風迷少年不如蓮有
實可以壽君筵

登平遠臺翬頂峯

六鼇簸蕩宮圃碎三島崩騰失空翠海風掣斷南山雲分我滄
江半江水臺南岩谷青岌岌奇松怪石作人立山巔恐有風雨
來林徑空濛落花濕水東劣崩結平綠積霧飛風坐堪掬蓬萊
迢迢幾萬重一碧天光浸寒玉吟翁回首看不足緩步策驢度

空谷誰知咫尺山中幽望斷殘暉立修竹

天馬山

溪隨天馬西北行半空忽見蓮花生雙鶯欲下却飛去旌旗引
入丹霞城攀蘿上到猿啼處恍然曠坐消百慮千山無人雲氣
深終日徘徊不能去虛空樓閣時自開異香忽起三清臺風吹
笑語落天半疑是神仙跨鶴來百花潭上春自照白鹿呼人猿
亦嘯路迷不敢輕問津恐有賢人隱耕釣蒼崖九折樵徑通絕
頂可見西崆峒塵心豁然解欲羽竦身直上凌天風

尋古人

適興一尋君君家在白雲寒花秋後見落葉夜聲聞隨意坐苔
石呼童煮澗芹不須談世事詩思正紛紛

貢闈偶成呈同院諸公

射宮圍棘斷經過閒却秋聲太液波風定碧簾聞禁漏夜殘銀
燭見星河仙人共對青藜杖詞客孤眠白玉坡弱水蓬萊三萬
里不知何處月明多

雪夜直宿玉堂

琪樹花生禁漏遲金莖月色近書闈白雲入水春無點銀漢橫
空夜有輝竹靜似聞蒼玉珮松寒欲傍綠荷衣乾坤清氣蓬萊
表獨坐天風拂翠微

張志道別都門

竹寺西軒共聽琴杏花猶記紫囊吟溪山老我扁舟興風雨知
君萬里心滄海夜潮銀漢濕蓬萊春樹碧雲深三年離別樽前
話傾倒何時更似今

庚午興聖殿進史

瑶編初進侍明光日麗龍池晝刻長堤柳染成春水色宮花併
入御爐香金壺酒露層階滑玉梳分水廣殿涼矇矓似知天意
喜鳳笙新奏五雲章

梧桐雨

曾將秋信報人知又與西風泣別離刺綠滴殘猶有淚題紅流
去更無詩舊巢鳳吟朝飛遠古井金寒曉汲遲待得楚臺雲散
後却憑琴調寄相思

題平翠樓

華樓突兀摩蒼天清吟飛上神飄然虛欄六曲拂雲起連峯千
仞當樽前晴風帶露結秋色修竹過雨鳴寒泉東風一笑歌石
鼓心期試問金鰲仙

友人擬古樂府因題絕句四首

采苻歸來午花稍日轉廊綠陰涼似水不見洗紅妝
生愛東隣女蛾眉画不如近來機杼廢臨得右軍書
今夜中秋月含情獨上樓辰星三兩點偏照玉簾鈎
露井疎桐晚風亭碧藕秋捲簾山月上水宿見雙鷗

登福山遇僧偶出

鷺嶺雲深仗屨幽竹風松影共悠悠何人分得僧家榻坐看南
山一片秋

友人見訪不遇

君來白鶴下青冥我入春山聽曉鶯可惜小樓風雨過無人收
拾萬松聲

貢師泰

字泰甫寧國宣城人文靖奎之子也少肄業國子泰定四年授太
和州判官改歙縣丞擢應奉翰林文字出為紹興

路總管府推官屢議疑獄人稱為神再入翰林歷待制國
子司業禮部郎中遷吏部拜監察御史陞吏部侍郎外任
浙西庸田使江西廉訪副使名為禮部尚書參知江浙行
省用戶部尚書分部閩中再以秘書卿台行至海寧得疾卒
師泰以文字知名而于政事尤長所
至輒效士譽翕然歸之有集行世

樵咏 四首

看月當看缺月缺終須圓賞花莫待開花開落還先靜觀萬物
理可以全吾天東隣侈曼舞西隣沸繁絃歌燕猶未終飄忽如
浮烟宣尼陳蔡間伯夷首陽巔斯人難已矣清風萬古傳
千金不為恩一語終感德所以古來士慷慨重相得睠茲義利
間誰能有真識張儀復連衡鄙生空伏軾魯連不帝秦高論抗
六國遂令千載下撫卷長歎息
疎林收霽霽方池含密陰坐深清晝冷餘花散鳴禽緘情何所
寄撫我綠綺琴世無鍾子期誰能復知音

偃息北窗下好風從南來開窗延好風懷抱忽為開人生如逆
旅造化同嬰孩小知聞蝸角營營真可哀是非何足論客至且
銜杯

姑蘇

百花洲上姑蘇臺吳王宴時花正開半空畫燭西子醉三更鐵
甲東門來吳波渺渺吳山簇不見嬌嬈倚欄曲丹楓落月怨啼
鳥碧草東風走驚鹿闔閭丘墓相連處應恨夫差迷不悟斷指
千年血未乾遊魂夜哭臺前路

章華

靈王宗國崇臺宇按劍章華昵中土弁裳伏地走諸侯鍾鼓凌
空震三楚騁驕不畏伍子謀落成乞與吳兵遊孤舟竟走江上
路塊土獨占山中愁十年霸氣終蕭索回首華榮歸不得饑魂

漂泊啼秋烟細腰却舞新王前

朝陽

神娥漂渺高唐上楚宮樓閣森相向丹楓蒼桂涌孤闕白石清
江簇連嶂行雲冥冥飛雨寒孤猿咽咽秋花間翠鈿龍駕杳何
處斷紅殘夢愁空山微臣宋玉誇能賦當日襄王豈真遇千古
秋風恨未平高泉飛落三巴怒

黃金

昭王銳志移青社築土縣金奉賢者四方劍佩集強燕千里風
塵馳駿馬郭君自舉先群豪樂生獨步超凡曹酬恩一雪霸國
耻建功並倚雲天高君臣意氣千年少落日荒涼沒秋草黃金
買貴滿長安惆悵英雄布衣老

戲馬

項王戲馬從東來意氣蹴蹋全秦催入關不並沛公轡還鄉却
上彭城臺重瞳按劍風雲靡萬足騰空烟霧起淒涼垓下泣名
騅零落江邊餘數騎寄奴千載心爭雄登高把酒臨秋風詐移
晉鼎非男子君看百戰東城死

銅雀

半空高柱翔金雀玉宸總帷塵漠漠西林老樹暝色寒長城殘
妓春情薄曲終紅袖辭尊前簷傾斷甍飛人間分香老淚恨不
滅秋風吹入苔花斑漢家一片鄴城土冑為奸雄載歌舞銷盡
曹瞞萬古魂落日漳河寒咽雨

送顧仲莊之海北

釣龍臺下與君別萬里東南何日還星斗動搖天在水海門空
濶浪如山瓊玕寶樹來三島鸚鵡金籠出八蠻簫鼓船回應北

上鳳池春早佩珊珊

送馬御史

萬斛龍驤海上回
徐書忽報自天來
紅蓮日轉神仙幕
翠拍霜飛御史臺
已喜文章收俊譽
還因經紀得長材
風塵滿日難為別
且盡江頭酒一盃

送洪元成赴靜江治中

海上東花吹鬢毛
杏花開處雨蕭騷
薦書舊最司徒考
宮錦新裁別駕袍
落日山城旌旆遠
拍天春水柁樓高
莫憐投老多新苦
萬里行囊有豹韜

題張子固所藏鮮于墨蹟

一自昭陵藏墨本
書名誰復更超羣
忽傳何朔專行草
不讓吳興變隸分
黃鵠夜深隨落月
白鵝秋冷化孤雲
風流賴有張公

子雪蘭封題比右軍

題李則平憲副所藏息齋竹

滿川風雨長篔簹
吹作參差二鳳凰
籀粉已翻鱗甲紫
墨花還染羽毛蒼
春寒弱幹當軒潤
日暮清陰入酒涼
便欲截筒鳴嶰谷
却愁彈瑟望瀟湘

巴陵女子盧希孟貞節

尚書子婦魏王孫
清白傳家節更貞
諸將已捐南渡主
孤身猶抗北來軍
血書夜洒巴陵月
烈氣秋橫鄂渚清
雲欲弔忠魂無覓處
惟應瑤席從湘君

題淵明小像

竹杖芒鞋白鹿裘
山中甲子幾春秋
呼童檢點門前柳
莫放花飛過石頭

柯九思

字敬仲天台人工詩善畫際遇文宗為奎章閣鑒書博士
得出入內廷後失寵退居吳下元史無柯傳而錢謙益于
列朝詩前載其姓名因註云九思履歷詳元史蓋未之考也

題誠夫尚書垂綸亭

尚書昔隱江漢間垂綸滄波弄白石千山桃葉起春謳萬頃蘆
花湧秋色適興偶拂珊瑚光豈意渭濱終得璜未央秦策動天
子四海籍籍傳文章至今亭子松陰古磯上蒼苔長雨^高經綸事
竟尋舊遊願逐茶烟渡湘浦

釣月軒

談笑從吾樂相過罷送迎凭欄看月出倚釣待雲生蝶化人間
夢鷗尋海上盟軒車穩適意何物更關情

送陳玉林南還

龍去亭空思惘然道人和淚話當年珠宮錫號開三島金榜承
恩自九天花落御牀霑宿霧苔生輦路濕蒼烟春來怕渡秦淮
水處處青林叫杜鵑

姚婁東往玉山因書以寄

相逢何事且徘徊澤國桃花岸岸開見說衡陽南去路秋深無
雁寄書來

索陽莊瓜

穀雨初乾可自由荷鋤原上倦還休醉迷芳草生春夢誰識東
陵是故侯

題画白頭翁

春濃不放小禽棲白髮衝冠向曉啼簾幙半開人未起樓臺風
暖日猶低

偶題寄玉山

谿行處處是仙家
谷口逢君日未斜
隔岸雲深相借問
青松望極有桃花

偶成東匡廬山人

青鳥當時養得馴
碧梧露下覆清晨
紗窗忽見秋如許
應有娥眉憶遠人

題李遵道畫扇

江清地僻野人家
門外橋通石徑斜
不信東華塵十丈
萬山晴雪看梨花

題唐子華畫秋江才子圖

林皋霜老紅初冷
岳畔烟霞翠欲消
記得山陰曾訪隱
一筇秋色渡溪橋

宇文公諒

字子貞其先成都人從吳與公諒弱冠有操行館嘉吳富
家夜奔者叫去之明日即辭歸不告以故登至順四年
進士第授徽州路同知婺源事改餘姚遷高郵府推官除
國子助教調應奉翰林文字同知制誥兼國史院編修移
病歸後歷國子監丞提舉江浙儒學廉訪嶺南
以疾請老而著有以齋詩稿玉堂漫稿若干卷

送復見心住定水

定水招提鳴鶴東
鑑湖歸去泛孤篷
鉢衣不濕荷花露
玉塵遙生桂子風
山靜祇看雲自動
江澄莫訝水如空
沃洲有約尋支遁
還許清談共野翁

西湖竹枝詞

斷霞洒洒魚尾紅
清唱一聲湖月東
阿儂只在繡簾裏
隔着荷花無路通

秦不華

宋元詩會

字兼善伯牙吾台氏初名達普化文宗為易斯名父塔不
 台歷任台州錄事判官遂家于台不華家貧好讀書集賢
 待制周仁榮養而教之年十七領江浙鄉試第一明年賜
 進士及第授集賢修撰轉秘書監著作拜江南行臺御史擢
 中臺監察御史首劾脫歡貪暴既抗章言文宗后加徽號
 及大臣列士封王為非判幾中危禍賴后悟得免自是屢
 任外職擢翰林侍讀學士兼修國史方國珍亂海上以不
 華稔知賊情遷浙東宣慰使都元帥分闡溫州至則國珍
 寇溫縱火焚之一夕適去會與左丞孛羅約期進討孛
 羅違約先三日出洋兵潰被執為國珍飾詞上聞不華痛
 憤欲死朝廷莫繇知之繼遣大司農達識等至黃巖招撫
 俱與不華意見牴牾每值事會可圖輒縱之去更授以官
 國珍詭降而勢益熾不華竟力戰死所著有復古編十卷

賦得上林鶯送張兵曹

春日陽關道鶯聲滿上林來從金谷曉飛渡玉樓陰柳嫩難分
 色歌停稍辨音明朝空解語人去落花深

春日次宋顯夫韻

帝城三月多春色南陌風光画不如躑躅花深啼杜宇鸝鷓灘

暖聚王餘玉樓似是秦宮宅金水元非鄭國渠處處笙歌移白
 日揚雄空讀五車書

汴梁懷古雅瑰集中已見此詩必有一誤

花石岡前麋鹿過中原秋色動關河欲詢故國傷心事忍聽前
 朝皓齒歌蔓草有風嘶石馬荆榛無月泣銅駝人間富貴皆如
 夢不獨興亡感慨多

京師上元夜

華月澄澄宿霧收萬家燈火見皇州天閣虎豹依霄漢人海魚
 龍混斗牛公子錦鸞鳴玉勒內家珠箔控銀鈎道傍亦有楊雄
 宅寂寞共窗冷似秋

寄姚子仲

懶趨青瑣立朝班焚却銀魚挂鐵冠琪樹有枝空集燕竹花無

寶謾栖鸞漢廷將相思王允晉代衣冠託謝安聖世只今多雨
露上林芳草似琅玕

春日宣則門書事簡虞伯生

三月龍池柳色深碧梧烟煖日惜惜蜂粘落絮縈青慢燕逐飛
花避綠沈仙杖曉開班玉筍雲韶春奏錫瓊林從臣盡獻東河
賦獨有相如得賜金

寄同年宋吏部

金鏡承恩對紫薇錦韉白馬耀春暉謾隨仙仗朝天去不記宮
花壓帽歸海國風高秋氣早關河雲冷雁聲稀嗟予已屬明時
棄自整絲綸覓釣磯

送趙常伯淮西憲副

東華晨霧正霏霏使者分行向合肥封事尚留青瑣闥蒙恩近

出紫宸闈江涵曉日明樓櫓風引春雲上繡衣珍重故人千里
別綠尊須盡莫相違

鞦韆詞

芙蓉宮額半塗黃雙送千秋出畫墻簾底燕驚花雨亂樹頭風
繞機塵香巧將新月添眉黛閒倩東風響珮璫歸去綠窗和困
睡暫憑春夢到遼陽

送瓊州萬戶入京

海氣昏昏接蜃樓颶風吹浪蹴天浮旌旗畫捲蕉花落弓劍朝
縣瘴雨收曾把烏號悲絕域却乘赤撥上神州男兒陸地四方
志須及生封萬戶侯

絕句二首

繡簾鈎月夜生涼花霧陰陰入畫堂吹徹玉簫人未寢更添新

火試沉香

金吾列侍擁旌旄五色雲深難未高
視草詞臣方退食內宮傳勅賜葡萄

送王奏差調福州

春水溶溶滿鑑湖蘭州長護錦屠蘇
可憐走馬閩山道榕葉陰中聽鷓鴣

夔 夔

字子山康里氏祖燕真事世祖從征有功夔夔幼肄業國學其學問得諸許衡長襲宿衛制行清潔始授集賢待制遷兵部郎中轉秘書監奉命往覈泉舶芥視珠犀不少留目改食禮儀院拜監察御史遷秘書大監外歷江西南行臺御史浙西廉訪使江浙行省平章政事內歷禮部尚書奎章閣學士大學士知經筵事翰林承旨知制誥修國史至正五年將用為平章政事感熱疾先卒年五十一生平志在匡君濟時每侍經筵必娓娓敷陳莫有感動常言宋徽宗多能惟一事不能順帝問何謂一事曰獨不能為君耳聞者避之

分賦清風嶺送達兼善總管紹興

清風嶺頭清風起佳人昔日沉江水
一身義重鴻毛輕芳名千載清風裏
會稽太守金閨英通籍當年第一名
劇郡疲民應有望會將霖雨濟蒼生

宋元詩會

卷之八十二

七

壽春堂

宋元詩會

卷之八十二

七

鈔本

宋元詩會卷之八十三

宋元詩會卷之八十三

晚桐陳焯默公輯選 後學程仕松皋參較

吳萊

字立夫浦陽人集賢大學士直方子也天資超人七歲能屬文讀書日涉成誦嘗往族父家日易漢書一帙以去族道扣之萊口誦一字不遺延祐七年以春秋舉上禮部不第退居深衷山中蓋窮諸書與旨者尚書標說春秋世變圖傳授諸古職方錄樂府類編一百卷唐律刪要三十卷文集六十卷萊于黃柳行軍稍後而二公稱許一時則曰絕世之才一則曰非今世之士其推服如此用御史荐調長蘄書院山長未上而卒年四十有四君子惜之私證淵生穎先

山中人 二首

白日出復沒胡獨勞我生所務在卒歲朝夕彊營營當春治農器土脉亦殫盈薄言藝黍稷庶以觀其成涼風一披拂場圃如坻京凍戶猶啟音康衢或歌聲于茲尚不給野有菜色氓母寧

宋元詩會 卷之八十三 存素堂

拾橡粟起視牀頭瓶

貧賤素所有豈辭辛與勤清晨腰我斧往伐西山薪高岩屹巨
壑蛇虎氣逼人衣裳既不完出入在荆榛日日一接浙釜甑恒
生塵白石幾時爛青烟空滿林家徒四立壁冬方行春亦自僇
伶子脩然為世珍

和陶淵明詠貧士 三首

上天無停曜日月會降婁山林少過轍二鳥鳴相酬亦有五采
鳳飛來為岐周姬公世不作白屋多懷憂逢時倘一用華士非
吾儔函谷谷空逐客傳若乃旁求

人生自沈靜豈得意非干宜哉揚執戟三世不徒官窮冬無完
褐盡日上一餐美芹終不獻晨曝尚餘寒手種老松樹蒼然霜
雪顏政爾有佳思清風吾掩關

舉世尚馳鶩飄然風中蓬上書爭銜鬻言語自稱工誰歟持清
節乃見楚兩龔黃塵隨手拂白日與心同有榮方覺辱無屈豈
求通摠追遼海鶴挿翅以相從

皂角林觀劉錡戰處

東都何恠澹南土劇蕭騷往往隳戰鬥於烏出英髦為君竟如
寄立國已不高家供敵人賂歲奉使客艘乾坤忽掀簸城郭皆
動搖狡兔手可撻長蛇心更饗精熒金鎖甲翕施橘紅袍厲矛
終扶腕投鞭遽填壕云何大兵壓尚謂和義牢白波橫天險清
野捲地手將營皂林斫軍艦采石塵大星遽崩殞滄海爭遁逃
向非斯人在久矣淒煙萬龍虎空野競狐狸遂嗥寒信史猶未
著奇功果誰褒因之懷舊跡一吊楚江皋

大食瓶

西南有大石國自波斯傳茲人最解寶厥土善陶埴素瓶一二尺金碧燦相鮮晶瑩龍宮獻錯落鬼斧鑄粟紋起點綴花穉蟠蜿蜒定州讓巧薄印邑鬪清堅腕指滑欲墜疑瞳冷將穿逝哉賈力真致鮫鰐淵常嗟古器物頗為世所捐襍衫易冠衮盤盞改豆籩禮圖日以變戎索豈其然在時苟適用重譯悉來前寰區幸混一四海際幅員縣度縛繩紲娑夸航草船鑿空發使節隨谷混民編漢土堆積筭蕃羅塞鞍韉城池信不隔服食柰渠運輪囷即上據鼎金疇能肩棟葩奪艷治盛酪添馨羶當筵特見異博識無庸詮歲之或論價裸此猶吾瓊珊瑚尚可擊磧路徒飛烟彼既歸互市我且置栝圈角貓獨不出記取征西年

時儼

古人重儼疫時俗事禳禳歲陽改欲律與鬼寢耀鉉厲神乃恣肆魃蟻併猖狂振僮幸成列坐巫覡陳禁方虎頭眩金目玄掣寧赤裳挑孤啟苗疹豆礫斃瘁剛八靈咸震懼六合高寒張清炳信不容動靜維吾常世塗頗險隘人魅更跳梁狐鼠戴分幘夔魍竊香囊煎熬到膏髓擊剝成疔瘍乘風作國蠹抵隙為民殃自從九鼎沒誰使百怪藏疥寒服禘帛饑宴食間糧蘆花蔽汝體椽粟餒吾腸地膚竟捲去天孽俱凋傷神荼欲呀啖蟠木蔓不長蒙叢俱彊顏貌枯竹無耿光聖言謂近戲五祀徒驚惶惜哉六曲廢述此時儼章

觀隋王度古鏡記後題

王家有古鏡軒氏昔鑄成太乙來護若玄冥與儲精日月鐘璫璨龜蛇助威獰萬靈吐真水全體洞太清綵奩出未半冰片弄光晶寶匣收不動玉麟聞響聲有身尚變化無翼欲飛行恍然

百世後流落汾陰城高士觀即賞異僧識還驚金船拭膏澤經
碧穿屋楹牆垣照可撤臍腑燭能熒涕泣念鸚鵡悲酸逢豹生
一朝忽屏迹六幕黯不明狐狸遮隱現魑魅莽縱橫皮膚峻削
削骨髓窮歎歎榜雷風儻有作厲虐敢紛更嗟吾幸居山後與
鹿我爭嗟吾願渡海蛟鰐恐並迎楊氏雀環在張公龍劍并因
茲訪洞空得不振冠纓

樓彥珍北海遊京師予病不及往餞歲晚有懷并寄彥昭
浚常

日晚北風起少年方遠遊徘徊上谷塞眺望黃河流崢嶸十月
冰朔色壓九州熒煌大明殿御道接龍樓時巡向藥水臘雪擁
薊丘前驅鸞鳳旗後乘貂鼠裘尚食禮豐宴飫教坊樂笙篴百
百散城邑駝馬盡歸休自今帝王都想爾觀覽周却疑書傳間

謂秦漢優何家非許史無客不枚鄒投輪即雨集揮袂遽雲浮
東航扶桑陰西笮崑崙取變化指領異芻蕘立談收文物彼洛
襖土音吾越謳私將竊祿志勇赴隨陽謀隨陽即澤雁竊祿豈
梁鷲美玉獻劍壘精金鏤鞞出門亟裝束行路宵滯留布韋
謬老耄鄉里惟田疇功名幸一遇螻螳尚公侯學問敢彊飾泰
稷待耨耰當今竹帛上直與先達侔母使螢爝光肅然寸草秋
嗟予久抱疾餞酒弗及寫念爾忽萬里征夢或見求宜生頗俊
逸鄭子復綢繆趾高有捷步宵正無昏眸早看拜家慶共許動
宸旒傳車定不礙閑鑰便若抽杏花開如錦楊柳滿陌頭去時
小兒女來說真驛驢

病起讀列子真經 三首

世間豈有極海外猶齊州日月更出沒江河却同流夸娥追即

死章亥步昌周蠓蚋生不久鯤鵬背吾遊神瀟湧滋穴巨鼈戴
蓬丘想像或可到徘徊獨懷憂南方祝髮裸北國鞞中裘道遠
特爾分智者善為謀

神巫善相人壺子如溼仄扁鵲巧發藥季梁病弗治一形苟脫
落純氣固委蛇隨火出石壁泳珠沒滄隈彼或蝸翼得此猶漚
鳥疑中心既怵殆外物盡坑谿幹殼即木葉皮膚類嬰孩遠矣
列姑射吾為榮啟期

此日忽過隙居人恒鮮歡毫毛恚為我體節欲求完大盜竊名
爵小廉捨豆箠熊魚徒兩得利義肯兼安馬醫自不辱燕技毋
容干時勢苟未至事功良獨難蕭條白麻履慘澹青蘚冠長嘯
答鳴鶴比風江水寒

夕泛海東尋梅岑山觀音大士洞遂登盤陀石處及東霍

山回過翁浦問徐偃王舊城三首

起尋千步沙穹石塞行路怒濤所縱擊徒以頑險故卓哉梅子
真與世良不遇上書空雪衣燒藥迴烟樹玄螭時側行縞鶴一
迴頷從之招羨門滄海晝多霧

茫茫瀛海間海岸此孤絕飛泉亂垂纓險峒森削鐵天台固遙
聞梵相俄一管瞥魚龍互圍繞仙鬼驚變滅舟航來旅遊鐘磬
聚禪悅笑捫小白花秋湖落如雪

遙觀杳無極究與東霍鄰悲夫童男女去作魚鼈民紆嶼尚餘
聚蓬山寧爾神古權苔駐跡仙枰竹祛塵短褐徒為拂飛槎貌
難親好携支機石去躍織女津

早秋偶然作寄宋景濂四首

我病三月久問言此何時山林日搖落草木欲變衰忽來臨青

鏡何故摘向盤千里復萬里遠哉鴻雁期
西風吹梧桐一葉兩葉積故書翻有塵雄劍挂在壁時違甘窮
困事到即輝赫除却雙鹿行門前少人跡
悠悠秋夜長夢覺秋月霽有才寧及人無學敢求蛻揮來河水
絃削作泰山彌吁嗟祁孔賓得失毫髮際
往者東入海飄然任所如大風戕戕波浪飛雪灑舳艫壯志昔
尚少狂遊今併無誓登盤陀石重望扶桑墟

西域種羊皮書褥歌寄李仲羽

大漠迤西俗能種羊凡屠羊悉留其骨以初冬未日埋
地中至春陽季月上未日為吹笳咒語則子羊從土中
出凡埋骨一具可得子羊數隻

波斯谷中神夜語波斯牧羊供雜 當道剗刀羊可食土城留

種羊脰骨四圍築垣聞杵聲羊子還從脰骨生青草叢抽臍未
斷馬蹄踏鐵繞垣行羊子跳跟却在草鼠王如拳不同老飲肉
筵開塞饌肥裁皮褥作書林寶南州俠客遇西人昔得手褥今
無倫君不見冰蠶之錦欲盈尺康洽年來貧不貧按釋楚石琦
公嘗目見具
事曰此四生胎外之化也故有
句曰自言羊可種不信蒲成絲

杜鵑行

南山北山啼杜鵑杜鵑花發山欲然千枝萬朵惜未得中有一
抹巴陵煙休說銅梁并玉壘搖蕩春光餘淚水五丁鑿路少人
行石鏡生塵妖骨死東風青鳥來何處中宮移植銷魂樹不如
歸去便歸家誰其友者楊州花

画馬行

涼秋八月霜浩浩白雁驚飛散蓬葆川原蓄牧萬馬來揚鬣攢

蹄齧枯草漁陽突騎自有真奚官剪拭傾城闈素絲結轡美無
價繡罽披韉驅向人當塗奮擲甚崛壯一旦紛騰入天仗父老
東城接鬪雞邊兒內苑隨調象煌煌京洛鳴和鈴奔走萬里如
流星筋追風烏鵲厲精神噴霧蛟龍冥往年踊躍將一跨寂寞
而今空見画黃金鑄式猶崢嶸多少地上麒麟行

江南曲寄周公甫

東風吹人千萬里青蘋花發前湖水江南女子木蘭舟却採蘋
花泛流水水流花春盡光好失時不採花應老年少吳儂歌懊
惱白皙容顏半枯槁倏然來去雙彩鳧化作汝罵穿雲衢汝珮
復解江妃珠龍宮蛟室本不隔相期更有瀟湘客

荔枝行寄王善父

炎雲六月光陸離人在閩南餐荔枝荔枝日餐三百顆紅線亞林欺

衆果絳羅繫樹蠟封蒂尚食擎盤獻青瑣涪州歲貢與此同意
昔移根來漢宮天生尤物不用世沾灑蜚雨吹蠻風蠻風蜚
雨振林藪西域蒲萄秋壓酒勸君莫近楊太真傳說驪山塵汗
人

明月行寄傅嘉父

上天有明月來自滄海東蠻潮夜捲馮夷宮海門一線驚欲射
江面樓臺聳千尺冰岸雪崖屹不動水犀組練皆劾敵越人善
酒技已瘡明月光中吾得賞飛來白鶴晉清角跳出長魚漢疎
網北風吹起蘆花秋笑撫錢王鐵箭頭襍衣枕斧此何處烏鵲
無枝空繞樹

二月六日雨書都城舊事

燕南趙北吹黃塵九天宮闕生紫雲十二門開衢路直画輪駝

馬多行客歲寒殿外柳絲青金水河邊冰尚白雞人傳漏放曉
朝文石分班押百僚南陽近親最舞蹈京兆耆舊爭歌謠教坊
供奉飾玉女鐘能鐘聲鼓能鼓錦來西蜀被玄駝肉出太宮餐
猛虎初日扶桑稍照人內筵錫燕杏花春沐犢駢牲泰時祀鸞
旗翠蓋驪山巡東風萬里飄寒雨我昔稔聞今不睹快然呼酒
擊唾壺茂陵徐生曾上書

姑蘇臺歌寄方養心

姑蘇臺南閶闔開姑蘇臺北鴻雁來春花秋月幾時好步屨尋
香去如掃冤胥憤血空海潮老凜妖妝又煙草少年為客誰我
今千里汝猶談一經黃龍扶舟夜有雨白虎司劍天無屋星山
中菖蒲十二節未肯落盡青頭髮姑蘇臺上愁殺人身在勾吳
望勾越

烈婦行

落日沈海雲壓城官軍多載婦女行人弓勁箭自山下顏色如
灰愁上馬我生不慣生馬駒存者吾子亡吾夫毋寧完身吐玉
雪忍使餒肉當熊羆青楓嶺頭望回浦血指画岩心獨苦老嫗
扣地救未及芳草迷天淚零雨卓哉一死可百年此事已過永
泰前黃沙野塞多降骨忠義傳中收不得

富春新創關將軍廟成吳子中携卷案題

吳生病起有怪聞夢中識得髯將軍香火乞靈自此揭廟門醜
酒樓欄雲我曾久讀名將傳紫金焰眼頰玉面漢鼎瓜離疆分
割楚鋒剝狡輕攻戰天荒地老路不通魂升魄降融秋蓬神仙
負劍乃兵解巫覡傳芭真鬼雄壯夫本合荊州死嚴祀何哉富
春里只今江左四祠無狄公髯乎髯乎獨不恨見孫江東

題錢舜舉張麗華侍女汲井圖

景陽宮中熈脂井
 手出銀盤牽素綆
 鉛華不御面生光
 寶帳垂綃花如影
 臨春結綺屹層空
 璧月瓊枝狎客同
 鴛鴦戲水池塘
 雨蛺蝶尋香殿閣
 風日高歡宴嬌若
 訢牀脚表章昏不
 寤吳兒白袍戰鼓
 死洛士青蓋降船
 渡井泥無波井欄
 缺半點熈脂汗
 緋雪蕙心蘭質吹作塵
 目斷寒江鎖江鐵

白髮詞寄答陳時父

昔予頭燦髮未苗
 今我頭枯髮先折
 童心尚在顏貌改
 滿鬢蒼華點霜雪
 朝來抱鏡裡相逢
 顛兩人東都貧孟
 歎孤劍西却老
 老康悲故茵烏髻
 每怕不得素櫛何
 庸問衰暮楓林葉
 底變風烟藥草莖
 邊虛雨露自非神
 仙劉阮傳世間容
 有幾春秋清知歡
 鶴鶴長朱頂得見
 鴛鴦會白頭

黑海青歌

越山山有黑海青
 長拳快眼健羽翎
 三年籠養未得飽
 萬里驍俊猶飛星
 黃蘆老葦日摧折
 白鷺文鶴看磔裂
 腥沾石磧吹遠風
 髓擊寒岡散輕雪
 伊人脫手本凡禽
 歲晚連條到上林
 鉗奴素賤多侯骨
 騎士虛豪即俠心
 晉宮邱廢身欲死
 燕國雲銷草如砥
 嗟非鸞鳳高杳冥
 望盡狐狸衆披靡
 當時奉使探遠菓
 兩徽馳兵聞勇鏖
 南土誰知此鷲猛
 北州驟見爭驚蹀
 天鷲薄天垂兩翼
 海青雖黑打可得
 太平八極無不通
 函谷何問關西東

嶺南宜濛子解渴水歌

廣州園官進渴水
 天風夏熱宜濛子
 百花醞作甘露香
 漿南國烹成赤龍髓
 棕櫚亭高內撤餐
 梧桐井壓滄江乾
 栢觀金莖孽未涇
 藍橋玉臼搗空塞
 小甕封出香覆錦
 古鼎貢餘聲撼寢
 酒

客心情辟酒兵茶僧手段侵茶品阿瞞口酸那得梅茂陵肺消
謫誰賜梧液奪塞酥有氣味波滄海堪無塵埃向來暑殿評湯
物沈水紫蘇聞第一

北方巫者降神歌

天深洞房月黑漆巫女擊鼓唱歌發高粱鐵鐙縣半空塞向墮
戶跡不通酒肉滂沱靜几席箏琶疊作淒霜風暗中鏗然那敢
觸塞外祆神喚來速隴坻水草肥馬羣門巷光輝耀狼麋舉家
側耳聽語言出無入有凌崑崙妖狐聲音共叫嘯健鷗影勢同
飛翻甌脫故王大獵處燕支廢磧黃沙樹休屠收像接秦宮于
闐請駒開漢路古今世事一渺茫楚襪越女幾災祥是邪非邪
隆靈場麒麟被髮跨地荒

題袁子仁所藏巴船出峽圖

巴山一帶高崔嵬巴江萬里從來天
前夫疾挽後夫推黃牛白狗遽船開
曉風東回水西上灑灑堆頭伏如象
盤旋鳥道怕張帆汨沒龍淵驚櫂漿
世水性命重濤波吳鹽蜀麻得利多
怪石急流須勇退貪夫險魄謬悲歌
神禹釀江江更惡五丁鑿路空岩嶸
舟船可坐尚髮危棧閣能行終淚落
嗟茲舉目無不然直愁平地即山川
至喜亭邊聊酌酒長年三老好攤錢

觀淮陰龔翠岩所修古棋經

淮陰老人古棋經廣陵大幕青油廳
一江靜畫日三楚結陣鏗流星東南
賓客少馳檄白黑紋楸即疆敵坐穩
縈迴建旌旆手談虜劍藏矛戟世間
風雨長百變身佩安危知幾戰豈河
割破半籊籊漲海掃空全局面樂矣
軍中有此娛攻戰掠野顛兵書宮殿
寢園終草莽冕旒章服到鮫魚君不
見驪山婦姑三

十六破屋數間昏不燭夜來教得玉積薪滿眼長安塞馬塵

夜觀古樂府詞意故友黃明遠明遠曾作樂府考錄漢魏

晉宋以來樂歌古詞

憶昔黃君美如玉老屋青燈雨間宿起翻案上奇侂詞前後千
年樂家曲予方弱冠學謳歌去問詩騷法若何偉茲欲繼三百
五吮盡蝦蟇此蛟鼉就中齊伐及秦楚巾拂鞞鋒爭傳譜清商
雅部粲然文騎吹簫鏡雄者武心力涵泳到手力抄撮來口力
有白醜目力無纖埃時時弄筆便著句花木禽魚古今趣北岍
垂綸楊柳枝東鄰著屐櫻桃樹自此相逢二十春一朝門巷闌
生塵淺殞蓬蘞凍蠃嘍荒廬寂寞妖狐嘯人世本無金石壽簡
編零落安能久藝文著錄數百家一二僅存誰不朽一二不朽
終崢嶸歲遠寢恐山淵平嗟吾尚愛古樂府夜半松風知此聲

客夜聞琵琶彈白翎鵲

白翎鵲東海來十里五里何推頽一飛飛上青霄際再飛飛墮
黃沙堆少年臂名鷹齊出誇駿馬放鷹一馳躍與鵲相上下身
佩木弓射必命中中疊雙叶蹀血及毛天欲雪雲摩壓草地多
風衝突三邊有意氣指揮八極無英雄白翎鵲西海去千里萬
里何軒翥一飛飛上賀蘭山再飛飛上過鐵門關少年領疆兵
乘勝即轉戰戟頭吹火光旗幟舞秋練手持生鐵刀空城烏雀
盡死麀麀鹿瘡痍無處避角貓躑躅向人踈收拾廣輪真郡邑
爾清星嶽靜波濤白翎鵲東海西海都驅廓太常召見月日山
治定功成禮樂作大雅清商久寂寥鷄雞邏迓多絃索上林花
開早浮艷榆塞葉落終迴薄一聲高一聲低一聲懾懦百虎豹
一聲束縛千鯨鯢白頭漢士聞先拍青眼邊兒聽却啼君不見

康崑崙羅黑黑開元絕藝傾一國若還覩我白翎鶴辭二十四
弦彈不得

題錢君輔紫芝圖

我聞錢君古丈夫早歲喪親伏墓廬血淚迸空百草枯神芝挺
發黃土墟一莖三秀燁以敷圓釘寶蓋屹相扶醴泉灌注含膏
腴紫雲覆護連根株山靈地媪侈厥符烏啁獸躅助號呼削杖
苴經麻布襦毀容惡服絕復蘇孝悌有玉貫斗樞卉木榮華孝
之餘里閭耆長起嘆吁痛心疾首矧可募夫孰非親堂上居日
嚴祇敬本一軀夫孰非子膝下娛風樹悲撓弗待予爰生成死
自古初德鉏諄帚俗易趨劊分宦輿顛向隅較計絲粟遽異儲
被薪委凝餒鳶烏醜酒嗜欠酬栝孟衰雖在身孝已渝天荐厥
祉天亦誣信哉純孝與世殊史筆值此合特書素冠所刺今不
無朱草有神錫爾孤琅玕玉樹豈得如岱衡恒華五嶽都玄黃
赤白擁趾疆列仙山澤或療矐瑞不為孝徒區區天寒歲晚霜
霜踈慎終追遠在我儒匪丹伊青繪此圖後有過者尚式車

白鼻騮

白鼻騮白鼻騮當軒迴立噴風沙名驥留良定北土蹇駮索價
猶東家青松縛柳曉安早紅錦裁韉春映草支遁心機愛神駿
伏波骨力輕衰老去年禁馬無馬騎天下括馬數馬皮浮湛鄉
閭萬里足笑傲品秩千金羈幸哉漢武重修政往矣劉聰真覆
鏡立防戰備要馬稀藏富民寰須馬盛向來河隴色為羣目極
川原亂若雲庶人徒行未足恤世間醇駟何由得

偶閱昌國志賦得補陀洛迦山圖

角東東際控東荒蓬萊北界跨石梁天風吹來黑水國海雨灑

過青龍洋寶陀山高此孤絕善財洞近爭嶼裂黃金沙土結香
雲白玉樹花飄瘴雪扶桑島上接鯤人棋子灣頭望馬秦安期
先生脫赤烏義和女子扶朱輪晨雞鳴聲日觀立老蜃樓臺潮
候急釋迎方域船舶通娑竭世家宮殿溼君不見海人稽首扣
海磯蛟鼉不動護仙衣紫竹旃檀何處所毗陵頻伽獨飛舞

五洩東源有地度可十數畝後負山前則石河如帶幽窅
深窈益隱居學道者可築室偶賦一詩屬陳彥正

越中五洩古名山東源峻嶺空雲間老石峻嶒欲見骨天河瀉
破莓苔灣蛟龍縮身似蜥蜴魑魅出沒司神姦雷公一聲忽下
擊鳥跡不到猶重閉青華仙真舊治所碧落侍從登清班穴窺
綵狻據一柱戶想銅獸銜雙環鳳馭鳶鞭白羽瓘芝樓茵閣朱
莖殷梯梁未絕或可值洞府浸遠多愁顏嚮曾褰衣得揭涉別

擬鑿徑通茅管寬弘頗占十數畝夙靜粗覺非人寰澗流帶綰
玉線繞縈翠髻擁花爛熳截斷塵埃與世隔構成檐宇寧吾慳
陳君尋常有道力况此跬步臨幽潺虛室光明白不動寶爐溫
養丹將還丈夫出處我已定馳字早寄孤飛鷗休拘崑崙併漲
海遇有勝處同躋攀

韓蘄王花園老卒歌

蘄王手種紅錦花十載不挂鐵錘鍛花園老卒守花樹睡著花
磚聞曙鴉白頭白盡身無事古塞沙塵戰餘騎多士如雲足健
兒一竒在腹終憔悴青銅萬緡滿地光寶函矯節賜夸王宮粧
粉艷去酣酒海偵珠琛歸壓檣王家舍兒驚吐舌御府珊瑚碎
飛雪口猶乳臭却帳前矍鑠一翁嗟棄捐君不見天下英雄本
奴魯左鼻成龍右鼻虎頭血淋漓思鬻鼓史傳沈埋誰比數花

開花落幾風雨

此事詳載鶴林玉露須按其始末方得作詩之旨

月出東林客窓上疑梅花影

朔風何處寒梅發江水悠悠路超忽逢花不語疑見人對影非真却因月縱使無花意自同誰知有影色俱空回頭不見東林樹猶勝羅浮是夢中

次韻傳適道虎陂閘舟中

少年解唱邯鄲曲惟有垂陽夾堤綠夜來誰抱焦尾琴彈作東風雉登木虎陂閘裡水生烟荆門山頭星照船爭似揚州春十里一雙鸞信待君傳

方養心欲遊泰山用前韻作思仙詞復和之

浩歌起作思仙曲

黃鶴無期瑤草綠神人結屋泰山顛手拂浮

若木一笑齊州九點烟天風吹斷蓬萊船還上高丘看遠

海有書莫遣麻姑傳

古祥寺

一昔逢寒食行吟採物華風生獻檻竹雨溼墮船花曲塢青龍樹長灘白鷺沙回看江上水直去到君家

秋夜效梁簡文宮體二首

無奈涼夜永起登樓上頸鵲翻金殿宿螢近玉階流梧桐老葉恨芙蓉新葉愁婕妤團扇上那得不驚秋

曾是昔年寵如今誰與同秋獵長楊苑夜幸猗蘭宮瓊杯香泣露翠袖薄禁風將心與明月流入君帷中

一笑

一笑長竿折徒憐大海魚文章猶醬瓿塵土只鹽車白日燕臺劍清風禹穴書上林誰獻賦愁絕馬相如

歲初喜大人回自嶺南遂携兒謬北行送之

乍喜吾親返還携稚子行風沙千里道雨露九重城舊帆江潮
遠新過嶺瘴清長秋官屬盛去可接簪纓

此去知何處飄然惜尔年塵飛馳馬埒雪擁讀書壇日觀躋攀
外雲臺獻納邊文園寧久病須奏上林篇

次韻吳正傳都城寒食

悠悠動酌舞春衫千障黃塵客未諳鐵騎引駝沙草北雕孤驚
雁塞雲南太平天子回中望齊國先生稷下談猶有七香車幾
兩曉來風雨定誰驂

滄州

荒亭貫酒壯心違目極東州霧雨霏百里齊封滄海接千年萬
跡躅河微暗塵掉馬呈金轡衰草看羊着錦衣猶記上元鳴鼓

夜滿船燈火越歌歸

觀唐沈吟續仙傳

手展仙書向此朝起予俗病對芭蕉室闌半夜雲璈動岩躄千
年雪髓消閒說茅龍騎太白遙聞木鶴降仁嬌秦車漢輦窮天
下望斷蓬萊併寂寥

寄吳正傳

日晚天寒攬翠裘西南目盡澗江流養生有論空成懶搔隱無
騷却好遊雁鵠吟風燈照几蛟龍躍雪劍鳴鞞平生自笑飛騰
暮幸矣心猶與道謀

憶寄方子清時子清久留吳中

一別嗟何處相思撫舊蹊月明施瀨北雲起蠡岩西跋跡舟車
動過從笈篋携鄰光因借道燭味肯吹麈好學螢分照論交雁

擇西丘園心薜荔海國氣鯨鯢卷帙翻蠹謁吟研發鬻經筵
 參老易樂府錄鏡輦法治推周稼淳風仰漢綈談玄知野馬考
 字守家雞土域標鞮象天圖辨斗奎遺文多廢墜妙契極端倪
 獨樹盤桓久平蕪眺望低霜林紅玳瑁霧雨碧玻璃屏跡依狐
 兔銷愁對鷺鷥塵書投梵夾美餉絮童鐫櫛葉時遮洞藤梢或
 崑谿龍居峴雪瀑虎路躡霞梯出入恒映袂追隨幾杖藜竹山
 香嶺嶠花島繡湖隄尚義開鬻始延儒振席齊生徒修棗脯祭
 品授殖鸚錦石看還數蒼松倚却題吾伊朝屢集潭灑夜同稽
 自謂葛為歎人疑穀似梯中帽真抑鬱外物總筌蹄歲序空流
 邁波濤益慘悽故袍寒擘繭雄劍涓膏鵠綠映牽帆水紅黏曳
 屨泥娃宮釵鈿拾甫里筆牀齋鶴市歌喉引鱸鄉繪手搥吳趨
 誇粉黛越產購珠犀富業連橙圃苗霖潰稻畦占歸仍浩渺結
 重客酸嘶彼此身如寄參商夢欲迷蓬飛甘掃軌桂落得通閨
 俠眼收丹電仙襟化素霓貧期金埒騁賤許玉階躋病矣長憂
 痼閒哉敢恨睽撈除須爾鑷磨刮更予篋本欲晞王貢茲猶慕
 阮稽私猖狂疏奏積軟弱謝耕犂習靜求神悟超羣畏俗擠清
 琴桑有鯉鉅弩蹠非龍教駕傳銜轡觀隅識捺枿芝蘩受謫
 抱璞明聞蹄性命緣窮鬼功名厄屢矣悠嚮與鳳泯泯鹿將麋
 白谷今安駟青霄古執珪母寧長隱逸辛苦等黔黎

吳師道

字正傳婺州蘭溪人自羈州知學即善記覽工詞章因讀
 宋儒真惠秀遺書慨然有志于為己之學質之同郡許謙
 謙復之以理一介殊係是心志益廣造復益深登至治元
 年進士第授高郵縣丞調寧國路錄事遷池州建德縣尹
 錚然有聲中書左丞呂思誠侍御史孔思立列荐之召為
 國子助教其為教一本孝亭而遵許衡之成法六館諸生
 咸謂得師以禮部郎中致仕終于家所著有
 易詩書雜說春秋胡傳辯及文集若干卷

賦苔溪漁歌送殷尉之烏程

苔溪多漁村渺渺連震澤歸舟聞扣舷清唱烟水隔聲隨晚風
長響入秋山碧官曹閒無事聽之聊自適脩然滄浪思恨不同
泛宅如逢玄真子應問金華客

老翁行

老翁首插標泣售官道邊自云八口家貨易支凶年婦人二斗
粟兒子一餉錢少壯猶有歸老者當棄捐逃生欲他適四境同
騷然流尸穢江波累骨明丘山閩中稍云樂瘴癘多不還遠近
一死同去去勿復言春深四野綠流水鳴空田飢魂耿難招日
莫愁淒烟聖王養四海菑患仍安全骨肉老不介丘墳死相連
復傷哉見此事慘怛中心酸

鴻門宴

花膺繡膊怕殊額勇士如雲森劍戟沛公對酒顏如灰主人重
瞳光照席重瞳座上身如寄卮酒未吞心已醉醉酣不辨真天
人百萬貌豺眼中睡春融玉帳香風開嗚嗚帳下琵琶哀目前等
作萬口計軍聲四面歎如雷沛公唯諾非無意就中暗擊秦天
地此時可想聽得異四面軍聲皆漢騎按吳正傳歌行有鴻門
宴及姑蘇臺章華朝陽

東王文學

有客空齋難不歸鄉心二月亂於絲杏花深巷春風夢茅屋荒
田夜雨詩天氣未佳宜且佳人生行樂竟何時乞君安得千壺
酒爛飲狂歌慰別離

再和鹿甲寺吳存吾韻

十年不到雲間寺白石清泉笑俗塵環壁詩存蒼蘚古空山鹿

宋元言會 卷之八十三 鈔本
去野花春舊僧零落多歸塔劫火蕭疎近失鄰好事主人能釀
酒從今來往不辭頻

衢州超化寺

南朝老屋半傾敫尚想諸賢會集時閣外雲山天歷歷城頭風
雨樹離離渡江疋馬空成夢冒雪孤鴻自足悲賴是同行非俗
子僧寮借紙錄殘碑

寄題留山道館

幾處燒丹詫葛翁留山今復見新宮神仙自愛無人識樓館誰
令有路通碧水帶花來洞口玉笙隨鶴度雲中更尋履石依稀
迹轉覺幽深興未窮

佳山水亭

百年老屋半蒼苔一日佳哉舊觀回浮世何曾改山水高懷聊
復寄亭臺夜深漁艇簷頭宿日落僧窓竹裡開此去京華踏塵
土時時還有夢來飛

錢舜舉画卷

不向東風開酣霜拒秋冷紅白為誰妍自照滄浪影

次韻晉卿北山紀遊

一壑風烟自可留十年湖海漫曾遊短衣射虎真堪樂莫恨將
軍不老侯

宋元詩會卷之八十四

皖桐陳

焯默公輯選

後學程

仕松皋叅較

杜本

字伯原臨江之清江人博學善屬文江浙行省丞相忽刺
木得其所上救荒策大奇之力薦于武宗嘗召至京未
幾歸隱武夷山文宗在南邸時其及名及即位以帶徵之
不起至正三年右丞相脫脫以隱士薦召為翰林侍制行
編至杭州復稱疾固辭所著有四經表義六書通
編十原等書年七十五卒學者稱為清碧先生

寄仲宏

老來自愛黃叔度少日真期魯仲連高卧獨無田二頃
曳裾誰有客三千滄波渺渺浮鷗鳥白日翩翩換歲年
却憶江東楊少尹劇談終夜不成眠

用韻贈相士

武夷九曲好清流且擢扁舟試一遊高挽藤蘿捫翠壁
緩穿竹

樹間丹丘黃金徒貴誰求馬白石空歌自飯牛盛世鳳麟如要
識莫耽幽討更遲留

題小景

秋雲滿地夕陽微黃葉蕭蕭雁正飛最是江南好天氣却醪初
熟蠨螫肥

何中

字太虛撫之樂安人少以古學自任宏淡該博諸先達皆
推服之至順間江西行省平章全岳柱瑀為龍興郡學師
未幾卒所著有易類象書傳
補遺知非堂藁共三十九卷

穆山山中

江南有丘壑我生良獨閒秋風二三友竭來遊茲山山深不見
寺但見飛泉寒蛇行兩山掖天風鳴珮環青烟從何來墮我前
林端未知有徑否鐘磬猶未殘長歌萬谷應仰見數峰攢紆徐

綠澗入側步寒雲闕豁然得空曠聊復解破顏殿靜鮮花潤松
危鶴聲乾僧寶炯數珠相我盤礴觀大開雙白眼應接幾青鬟

烏石山天王寺

天王小精廬山角臨城闔古稱藩服雄畢境環相陳塔影六七
枝瓦縫千萬鱗烟明南臺樹潮壯方山津老僧肯前揖似余異
人人指點壁間画修廡行逡巡觀音大自在維摩妙悲顰蒼然
古木陰寒山若可親板扉幾尊者一一皆風神老僧太息言劫
餘偶遺珍從今幾年美此壁終成塵余笑謂老僧子意亦良勤
適見俄已失當悟無還真

戊子十一月二十四日拜疊山先生于雙桐驛蓋先伯見

山同丙辰理宗親擢也先生叙舊好言同心焉明口中

賦詩為別

吳門白日落孤妾悲洞房徙倚無所歸朔風滿羅裳
陰今作秋菊黃芳景不速盡妾心與俱長逝者魂魄在九京
共徜徉粲粲河吐水蕭蕭天雨霜出門即遠道死生永相望

遊芙蓉山二首

十里五里石一步一長嗟行行山轉高悠悠日將斜
縈折抵澗谷直下十數家來往自成村桃柳映桑麻
崖杉老絳葉石椽垂枯花陰凝四時雪陽燄一川霞
誰令余到此幽意浩無涯行將辨畚鍤來此耕山畝
岩岩青芙蓉峻秀琢寒玉危流千丈飛鏗鉤石相觸
幽閔魚龍宮荒寒霧雨蓄淒神不可留前登散遐矚
參差雜花動香氣汎溪谷日照丹霞開萬峰洗晴綠
同心有長蕪緩尋靈藥斲葛仙早見招庶得從所欲

歲晚咏懷

天霜不停威寒非日以槁屬颼竟吹脫未許依叢老
南山多白石終歲常皜皜乃知得至靜超然全所保
妄盡無非天心寧不違道凋落奚足懷鐘山有神草

松野即事二首

娛山仗老筇細數諸峰影微烟過前樹淡日在半嶺
幽鳥識歸宿遑恤雲路永冥鴻各有見日邊半行整
出處無定期是非諒難省

山窓一叢蕙修葉吐紫莖或云斷續花我亦豈敢疑
楚澤多芳草真偽奚難知浮俗尊虛名君子傷今姿
博觀貴自得清芬良在茲

白馬篇

冥冥子規林蕭蕭綠楊路白馬誰家兒揚鞭西南去去知何
為不辭塗淥苦陰陽速相禪乾坤幾新故丈夫慎馳騫出門已
難步悠悠獨鳥沒霧暗連村樹

文江夜舟

北斗一何渴下飲空江流南雁知何愁相喚不自休東浦征人
歸孤燈出籬幽西洲捕魚急飛火走一舟漢皇極寬仁今年租
稅憂有生一擾擾吾道憂悠悠

曉發辭夫磯時李炯漑之先行

荻暗鷄鳴村平皋下殘月參差鄰舫語艣聲潮發露露華望中
白蓬陰散秋髮沙鳥知曙鳴海雲上空滅念我前行友青山已
飛越遲爾及相携無嗟賞心歇

龍潭阻風夜興

水宿滯前期前津北風惡林寒燈影淡莎鷄滿籬落荒忽寄孤
迥淒清愧離索年光星河轉夜氣衣裘覺乍駭勁翩翩俄驚大
魚躍潮痕侵柳根移船避沙閣

早發東河午經東平晚宿汶上是日雪

嚴裝齊地曉投宿魯鄉暮天寒客心速雪下車聲去迷獸出桑
畦流人披野路淺靄須城山斜橋文津樹前聖有遺業悵惘經
行處荷蓀與耦耕何其得淡趣

早起

覺來日已升花梢衆禽語何許白浮萍池間散還聚起見梅已
空夜來幾更雨魚行春到水草暖香在露溪上人語喧樵薪滿
沙路

菊

我耕不半畝黃花列千叢蕭條變衰時一夕萬里風立孤不作
難英英異風骨君看牆東客夜寒步霜月

春風如少年效程漢翁

春風如少年狂逐無定處垂楊曲江堤細草東郊路祇言今似
替不悟新非故流水何時歸殘鶯數聲暮

招仙觀

逶迤溪南路窈窕招仙谷空堂兩道人殘棋映淡竹一葉響疎
籬雙鴉啼高屋出門誰歸人遠燒在山麓

發新淦金水亭

振衣上野航回首謝山阪日淡秋水空風清片帆遠沙光浸岬
發峰影隨人轉前渡烟火淡離亭路今緬

淮安道中

鐘聲起前林悠悠向南客天垂大野高月淡行路白雞犬淮上
村雲霞海邊色舊時塞垣地來往人馳驛

漢宮春

君不見漢宮六六多佳麗露花半染雲裾翠少翁招得夫人魂
孤鸞夜啼月波墜趙家姊妹專風流雙蛾不識人生愁芙蓉並
蒂歌一朵西飛青鳥徒離憂飛龍翩翩上天去雲幕椒房土花
雨墮膩埋脂恨未消香魂尚寄塞堊舞人間炎日焦衆芳肯隨
葵藿來傾陽柔情幽怨透地脈烟幃寂寞強成妝誰吹舊曲綠
雲切寸心婉婉應愁絕綠羅幾疊御賜衣紅綃半默守宮血空
留媚臉栖餘妍遙憶羊車望幸年至今一片巫山雨化為飛淚
徒潛然故家陵苑孤雲外綠樹如雲草如海殷勤惟有雲美人
同向墻陰弄晴靄

春怨

洛人傾國賞牡丹東家繡轂西家園黃鸝紫燕新得意柔雲如
酥花迷魂遊人寂寂歸何處花亦年年占風雨江南却遇李龜
年蘇州空感楊開府誰吹玉笛斷人腸斜橋淺淺流水香惟有
千年老桐狄看盡人間幾夕陽

冲虚宮景真堂

怡山東麓堂靜淡欲尋真景真難尋華鐘時發貞明秀秀木遶
縣天監陰天風颼颼吹余髮戲館幽藤作條脫騎風蕭驚烏石
雲降龍劍照鼓山月丹爐藥竈長周旋六時采擷三芝鮮蓬萊
書札失幽約幾度歸潮淡碧烟

秋夜長

雲浪流碧虛雨花散前除西風紅葉石欄曲盡併寒聲歸綺疏
回文讀罷雙蛾歛城上啼鳥稀漏點東家嬌小乍迎郎沈水銀
篝殘晚妝燈裏鏡臺間自照紅顏相字似夜偏長

高困春冬歌二首

春風東來汎幽谷出門一笑人間綠新雨池塘柳帶鶯嫩雲洲
渚沙眠犢一簑一笠東西村天高地下斯人存歸來醉醒聊道
意翠樹無言花滿門

寒鴉萬點落葉赤山風蕭蕭野日白池上梅花俱有情林間茅
舍元無客人言梅花知歲寒花亦偶然冰雪間向來羣芳冷欲
盡蘭芽已動春將還

幽尋

意適可幽尋天空晚氣沈鷗飛一川迥花落五雲淡庾子江南
恨瓊奴柱下吟野風吹我老鴻雁有餘音

晚興

雁背霜花落吟悲興自如天虛鱗甲動山老鬢毛疎斷隴暮歸
客寒溪人自漁蒼茫閉籬落政爾緩驅車

喜雨

雲葉來西北風聲乍疾徐冥冥天下雨湛湛園中蔬書傳堪經
世乾坤且助鋤欲言無與領獨立看芙蕖

奇石

奇石爭迎立青杉互引前冷冷兩溪水淡淡一峰烟間作題巖
字時逢採藥仙蒼崖忽陡絕松影一蕭然

山中

何處征徭急茲山水石奇鳥鳴新葉長磴仄斷雲移趺坐天正
碧起行風自遲徑穿松罅去巾袂冒蛛絲

南居寺

閉戶未從容出門誰適從聊隨碧溪轉忽與白鷗通逢小雨十
數點淡烟三四峯幽尋趣已未山寺已鳴鐘

病中感懷

多病他鄉外孤懷始覺愁山園雙鷺曉門閉一蟬秋遇合馮生
缺勲名季子裘悠悠耦耕者端暇為人謀

陳家源二首

恐是山源裏山從洞口開茅簷無客到稚子怪人來塘綠魚迎
日林清鳥啄苔欲令幽賞足石道源縈迴

翠霧斷崖側丹霞流水西竹從幽處密松自古來歌落葉半藏
路清風時滿溪仙家元不遠未許衆人知

五秋夕作

宋元詩會 卷之八十四 存素堂

但覺焦原苦何當沛澤流夕風微報響古木暗藏秋生事冥難
測閒心遠作愁亂山高下碧烟靄淡浮浮

送人歸臨川

金河疎柳外去櫂響流澌為客有歸日送人愁別時寒雲隨雁
遠南雪到山遲舊隱書無恙行藏莫豫期

江中

挂席亂鶩喘曾過此渡灘潮歸楊子晚山入秣陵寒聽語知鄉
近忘年計日寬穩行隨夜泊烟火滿江千

鄱陽湖中除夕

除夕生能幾誰無骨目親望鄉偏恨路在遠欲遺身湖雪殘波
岸船燈燭夜人淹旬頃一月珍重故園春

辛亥元夕

頑坐故貪默忽行時自言寒沙梅影落微雪酒香村時序鬢髮
改人家童稚喧街頭試燈候不到郭西門

贈李仲元

曾逢偏意悟顏面費追思把酒忽相語計年淡自悲亂山藏路
遠秋水去城遲若到寒溪上教兒護菊籬

別唐仲謙

記名長似識相見始漸非每到極言罷却欣幽聽稀日明山氣
改江靜水痕歸添得今朝別城陰空掩扉

水口夜思

牢落不能寐荔陽寒石磯潮生灘響盡海近夜涼歸旅思隨時
改鄉音迢遞非燕南與粵北祇足費征衣

吳仲谷來喜雨

山居難適俗到縣動經年偶出成奇事相看各粲然酒淡孤榻外燈淡小樓偏草草荀陳夕他時尚有傳

除夕

歷歷諸除夕蘧廬是處安翻因歸近近始覺到家難浦隔雁聲落孤孤燈影寒家人應共說賓閣尚盤桓

送李仲章遠遊

風笛無聲笳拍空出門誰碍愛求通一帆千里客何遠王氣雄圖江自東赤壁驚鳥飛夜月衡陽歸雁落秋風人間興廢不須問詩在江潭柳影中

秋懷

萬壑東歸晝夜流人間自是本無愁不悲白骨塌秋并尚恨華屋歸山丘此事直須一杯酒只今何用萬里侯明朝且可尋黃

獨荷鍾徑往西山秋

雨中

炎夏如秋氣已遷老天奇變亦多端山橫北牖陰雲合人對南山暮雨寒江海窮居無米易古今隨意得詩難巖花落盡幽禽語坐擁千林俯碧欄

八月二十八日

黃竹哀歌世偶傳佳期應待後千年曲江宫外看蒲柳凝碧池邊聽管弦古往今來人化鶴天長地久帝為鷗蓬萊水淺應聳似徐福歸舟已失仙

次韻彭希爽吳景傳約遊穆山

穆山祗在白雲隈擘石為門任去來兩澗寒聲通法席數峰秋影散香臺林藏僧梵含風遠嶺隔山樵數月回此地能令高興

別中秋時近桂初開

舟中

竦立去帆波渺渺
淡龍寒靄樹稀稀
象牙潭上風初急
龍霧洲前雪亂飛
山掩孤鐘分響到
沙明叢雁逐行歸
雕房熾炭行時令
阿那痴漁擁斷磯

題崔伯明詩卷

海底珊瑚不易收
俄然在手醒雙眸
媧皇煉石天無縫
織女機絲月共秋
一草作花生自別
三年刻楮巧堪羞
客窓燈影誰為伴
雨響空欄徹夜流

酬揭曼碩贈別

來日君還在我前
歸時我獨占君先
冰寒斷道鳴駝外
雪暗空村落雁邊
畫省諸公扶日月
南州孤客記山川
松聲多處黃精

好舉手青霞始學仙

秋夜獨立有懷

秋老谿貧獨夜時
印枝移偏響蟲飛
山城鼓疊月生海
林屋燈寒風動扉
帶雪關河人別久
隔天書札雁來稀
忘情每有難忘者
黃葉一庭霜滿衣

偶成

初啼山鳥篆香斜
荏苒明時翫歲華
三日雨淡春在水
一林烟濕暖生花
尋盟舊卷鈎簾展
開禁新醅隔竹賒
却憶去年歸漸近
半篷殘雪上寒沙

陳虛一尊師山房雨後

一片閒心倚石壇
千峰向背碧當軒
海門雨氣縣虹影
洞府香風粲鶴言
絕艷槿花淡映戶
生紅荔子密圍村
早知千里移家

近久辨黃岡十畝園

新淦阪步作

松筠色潤翠成圍
鶯鴨聲多水漸肥
隔縣販人爭野路
迎年浣女試新衣
暖烟黃柳知春到
殘雪青山伴客歸
茅屋酒旂隨處
有悠悠世事盡相違

閻阜山

兩崖松竹綠蕭蕭
時聽巖陰響野樵
鶴信早歸題籙客
蜂房分綴鍊丹寮
晉時月在淦源淺
粵國雲通勾滿遙
仙馭肯忘橋鼎地
鳳笙清夜落璿霄

夕陽

斜陽盡入笛聲中
兩岼樵漁一水通
楊柳已疎楓漸落
黃花渾未識秋冬

微雨

一天微雨濕芳塵
紅綠相依幾處春
家在海棠花下住
傷心長是未歸人

洪希文

仙游人其父名巖字惠草宋咸淳丁卯貢士工詩有軒渠集希文其仲子也希文詩學得諸家傳故以續軒渠名集前子朝隨燒芋咬菜人或不知無愠色也生前至元庚辰卒至正乙巳壽八十有六實與元代相終始云

送林景惠興化教諭

朝遊夾漈山
滌水何漣漪
暮登石門山
山石亦差差
水石太古色
山人去何之
君今遊此山
為余訪頽基
多謝炊藜翁
七畧今有歸矧茲
十室邑文獻
猶庶幾君子
樂育才薪
楨理不遺白袍
久延佇獨立
風披披煦之以
惠風暢若春陽
照前程雖云邁
來

者猶可期

貧甚食草具作

赤莧赤如脂苦蕒甘如飴盤登惡草具味等薇與芝賢哲逝已
遠昧昧余所思伊人既忘世此外皆若遺梁肉世豈乏飽死黃
胎兒千金洼渥種歲晚鳴枯其尚餘耽書癖不與塵土緇此樂
豈在外簞瓢猶山岵

龜洋僧越浦造寧海東際橋姪清甫為求詩以壯其事

我替携二客涉此春江潯春江渺無際下有魚龍吟行客日已
晚夾岼菰蒲陰滄江見舟子招招勞余心我家山之陽我友山
之岑懷哉不得往黃鳥鳴空林向微塵外人慨此將焉任欲立
萬歲功豈憚歲月淡刺手斲巨鼈累址重淵泐雲濤鼓韶濩共
爾澆煩襟吾鄉鄒魯鄉人物多華簪寥寥織緯語桓譚非所欽

為謝金仙子氣化無古今逝將紀江漢相國生自參

續聶夷中傷田家

賀賀丘麥秀蝻蝻吳蠶生微行執懿筐亦既受厥明上馬給王
賦下馬紆官征豈為饑寒念所念瘡痛平哀哀生理窄了了無
餘羸惻怛夷中詩萬古田舍情

題聖墩妃宮媾洲嶼

我替纜舟謁江千曾覲帝子瓊華顏雲濤激射雷電集殿閣碑
兀魚龍間此洲仙島誰所構面勢軒豁規曾瀾壺山峙秀倒影
入乾坤擺脫呈其端粉墻丹桂輝掩映華表聳突過飛巒湘君
小水勾靈骨虞帝跡遠何由攀銀樓玉閣足官府忠孝許入巫
咸班帝憐遐陬雜鯨鯨柄授水府司人寰五雲殿邃嚴侍衛仙
衣法駕朝天官危檣出海浪破神鬼役使忘險難靈旗旄沙

廣樂振長風萬里翔孔鸞平洲遠與天所劃古廟不獨誇黃灣
至人何心戀桑梓如水在地行曲盤升階再拜薦脯藻不以非
薄羞儒酸日談書史得少暇石橋潛度凭雕欄詩成不覺肝膽
醒松檜蒼蒼鳴玦環騎鯨散髮出長嘯追逐縹緲乘風還

春寒無炭

古人坐客寒無氈我今為客寒無烟東風兼領玄冥權今年春
寒過去年海子含酸實未堅薺麥雖茂胎未全海棠羞澀開紫
綿山南山北無杜鵑詩翁縮頸聳兩肩元龜守殼凍不前吟成
呵硯冰尚堅毛穎塞劣非張顛喚起石鼎句再聯倚墻道士鼻
息喧此時得酒真鮮仙博取一醉良可憐君不見雲安斗水直
萬錢杜陵雖老性命懸畫灰對雪思悄然忍寒披絮夜不眠牛
頭何日雙錦纏

飯牛歌

牛吒吒蹠趵趵枯其嚙盡芳草綠自脯薄夜不滿腹擷菜作糜
豈作粥飼饑飲渴兩已足脫紉解銜就茅屋不愁饑腸當輾轉
風簷獨抱牛衣宿丁男長大牛有犢明年添種南山曲

惜春吟

去年醉倒百花傍旁人拍手笑我狂今年花酒兩無分一春正
坐讎書忙先生讎書未肯出詠柳題花閒度日朝來着步花已
空搔首東風長太息

聽琴歌

疎簾曲檻蘋風涼細腰美人藕絲長神閒意定丰度遠玉指纖
纖彈履霜喬林鶯囀日卓午幽澗泉鳴夜未央孤鶯別鶴生暗
恨毋以冰炭置我腸

曉行途中書事

冥發昧所適東西覺惘然門鼓村店酒鐘落客津船猿叫荒山
月鷄號墟里烟回思在家日日晏尚高眠

獲稻

雲散水微茫千畦萬里黃螯腰勞日少鼓腹樂時長處處聳鷄
犬家家足稻梁太平本無象新釀甕頭香

壽峰翫月

素娥准勅六丁擎下照塵寰似水晶河漢無雲天萬里溪山不
夜月三更蓬萊弱水何曾隔玉宇瓊樓只此明今夜壽峰峯絕
頂與君端坐細推評

清明遊陳氏園亭

村村花柳豔晴川百五時光不暫延綠暗園林尚佳節清明亭

館自新烟喜逢熟食傳遺老怕着新衣學少年惆悵東欄花似
雪人生底處勝樽前

春晚同數客遊靈巖廣化寺書所見

塔外青山匝四圍澗邊流水繞松扉白雲一塢僧長住紅杏數
枝春漸稀雨足人牛耕曠野山溪鳥雀啜晴暉長廊響屨皆明
禁口自忘言心自非

盧琦

字希韓惠安人至正二年進士鄰境仙遊盜發琦適在其
縣盜遙見之羅拜曰此春大治也為大夫百姓者何幸
之乎吾邑嘗用暴毒驅我故至此耳琦立馬喻以禍福
衆皆投刃請縛其酋以數萬來襲永春琦至械送帥府自是
威惠行于境外安溪賊數萬來襲永春琦至械送帥府自是
汝等能戰則與之戰不能則我赤子其忍之以父母昇賊耶因
使君何言也使君父母我民赤子其忍之以父母昇賊耶因
踴躍爭奮大破之賊遁去時列郡多陷于
賊獨永春宴然十六年改調寧惠縣尹

題待月亭卷

郡西古招提樓臺跨城邑小亭僅數椽日斜晚涼入君侯曾此
遊徘徊松下立開樽待明月月下海風急俗韻忽已消素光良
可挹天容萬里淨露氣千松濕酒闌賓客歡詩就鬼神泣塞余
塵土蹤驅馳慚靡及時來弄清暉每擬續佳什文病多病早浣
花百憂集願言問嬋娟何當謝羈繫

題陳允中山居

山妍雨初暗洞窈雲常暝瑤瑤碧澗流落落青松影遊咏有高
人誅茅臨複嶺開憲嵐翠香展卷白日永興來即吟詩客至亦
烹茗抱琴戒出遊蕙帳夜淡冷

贈白雲

白雲亦何閒竟日不下山時從修竹裏相伴一僧還悠悠覆松

頂渺渺歸岫間奔走塵俗者視君何厚顏

白雲精舍

幽齋白雲裏苔徑隱林樾空階落葉多淡竹書聲歇嵐光翠以
流爐烟暝常結涼飈拂長林猶疑絃吹發

蔣阜叢林

沈沈青蓮宇隱隱聳疎鐘桂殿荒蘚碧蘭堦落葉紅水聲出溪
竹石瀨鳴寒松東林有佳興鮮綬來相從

禪巖夕照

空寒夕照沒寒棲野僧定歸鳥殘光連雲下蘿迳禪房掩暮山
楓林起烟磬幽人獨去來高軒足清興

鞦韆

綠窓美人閉浚院燕語鶯啼春事半画欄睡足四無人空與東

君說幽怨絲繩孌孌挂青烟羅襪纖纖翻翠袖紅妝高出墻頭
花繡帶斜飛亭際柳香風蕩漾春誰主願學飛仙飛不去黃昏
溪月浸梨花背立鞦韆悄無語

秋蚊

茉莉堂前月華吐飛蚊擾擾晴雷怒深閨小玉椒焚蘭綉幙穿
簾柳花度芙蓉夜卧銀燭滅綠紗如烟罩香雪潛身飛入羅扇
風耳畔營營宵不絕瓊几一啞雨夢回玉腕斜批守宮血屋外
寒蟬自清素夜夜長吟飲花露

練湖曲

練湖七月涼雨過白水蕩蕩紅芙蓉紅盡紅盡早霜下鴛鴦飛
去何息息茜裙女兒弄虛碧鳴榔聲斷無消息清波小藻出銀
魚落日銀山秋欲滴望湖接山雲茫茫鳥飛不盡青天蒼丹陽

使者坐白日小吏開甕春酒香倚欄半醉風吹醒萬頃湖光落
天影桂冠何日隱江南短褐綸竿上漁艇

寄張子震

南浦多芳草東風又落花相思頻入夢見說欲回家奇字從人
問新醅為客賒自慚羈旅者猶自錦江涯

答王經歷庭訓

數日不相見文園病若何山城春事晚竹屋雨聲多幕府官如
水門庭雀可羅東家_有賀老杖履肯相過

遊吳廷用南庄

公事多餘暇看山到遠村雲莊依見竹樵徑過橋分野水晴春
確巖松書掩門所欣花縣適歸路任黃昏

和韻答白明之

宋元言會 卷之四十四 十一
君厭區區簿領勞詩人相對便揮毫幽居最喜青山色熟睡不
知紅日高夜雨江湖談舊事秋風庭院試新袍笑他名利途中
客一似扁舟駕海濤

汀洲道中

七閩窮處古汀洲萬壑千巖草樹稠嵐氣滿林晴亦雨溪聲近
驛夜如秋雲間僧舍時聳犬兵後人家盡買牛但得龔黃為太
守邊方從此永無憂

臨河城外別丁景文

六月騎馬奔出郭故人相送高洋橋百年古郡千峯遶萬頃平
田十里遙客懷欲別且須酒溪月自來何待招後夜相思定何
處羣山疊疊雨潇潇

贈片雲上人

曾憶相逢月臺下請談猶自帶烟霞避喧却愛山中寺訪舊還
尋海上槎石鼎烹茶野分野水紙窓敲燭看簷花定知歸去松
蘿密猶向雲間採藥芽

依韻答歐士中

客舍淒涼生綠蕪經年祇倚野人居樽空但買鄰家酒巷僻應
回長者車白鳥夢殘楓樹冷黃花香老竹籬疎相逢且莫談離
別一別如今十載餘

病中懷王德輝

憶與故人分袂日遊魚吹浪動新荷一年又見黃花老兩地相
思白髮多月落千峯霜滿樹雨餘溪上水生波知君囊底詩偏
好寄與茅齋敵病魔

和朱仲綱赴杭韻

帝京別久夢相同鬱蔥佳氣凌青空石麟銅雀動涼月玉樓珠
箔來天風宮壺龍滴曉漏盡玉階馬滑春雪融錦衣高唱少年
子銀甕索酒蒲萄宮

國



